



Айдарбек ТУЛЕПОВ,
Ўзбекистон мусулмонлари
идораси раиси ўринбосари

МАЪРИФАТ ЖАҲОЛАТНИ ЕНГАДИ

Xозирги пайтда жаҳонда кечётган глобал сиёсий жараёнлар, турли манфаатдор кучларнинг ўз мақсадлари йўлида олиб бораётган геосиёсий ўйинлари оқибатида мустақиллик йўлига ўтган ёш мамлакатларнинг тинчлиги ва хавфсизлиги катта хатар остида қоляпти. Айниқса, ҳалқаро сиёсатда дин омилидан фойдаланишига ургу берилаётгани бу хатарни янада кучайтироқда. Мухолифларимизнинг динимиз асл моҳиятини бузуб кўрсатиш билан ундан ўз манфаатлари ва қабиҳ резалари йўлида фойдаланишига уринишлари тобора авж оляпти.

Фарб давлатларининг оммавий ахборот машиналари тинимсиз равишда афкор оммага Ислом динини бузғунчилик, қотиллик, ваҳшийлик, зўравонлик дини дея кўрсатишга харакат қиляпти. Шу жиҳатдан ҳам жамият олдида одамларнинг динимиз қадриятлари билан “Исломни қайта тиклаш шиори” остида муайян кучлар кўзлаётган, динга алоқаси бўлмаган сиёсий ва бошқа тажсовузкор мақсадлар ўртасидаги фарқни тушуниб олишиларига эришии зарурати тугилди.

Бу гаразли ҳаракатлар таъсиридан минтакамиз ҳам четда қолаётгани йўқ. Кейинги пайтларда Марказий Осиё ҳудудида ҳам айрим диний-сиёсий ва экстремистик кучлар динни сиёсийлаштиришга, шу йўл билан одамлар, хусусан, ёшлар онгига таъсир ўтказишга зўр бериб интилишмоқда. “Аллоҳ қалбимизда, юрагимизда” китобида айтиб ўтилганидай, “бу ёвуз кимсалар ҳали онги шаклланиб улгурмаган, тажрибасиз, фўр ёшларни ўз тузогига илинтириб, бош-кўзини айлантириб, улардан ўзларининг ифлос мақсадлари йўлида фойдаланмоқда. Бу эса Исломнинг инсонпарварлик ғояларини обрўзизлантиришга сабаб бўлмоқда”. Бундай қабиҳ хатти-ҳаракатларнинг мамлакатимиз тинчлиги ва осойишталигига раҳна солиши, миллатлараро ва динлараро бирдамликка пу-

тур етказиши, одамларни бир-бирига қарши турли гурухларга бўлиб ташлаши, улар орасида фитна ва бузғунчилик ғояларини ёйиши кундай равшан.

Бундай кенг миқёсли ва пухта ўйланган хуружларга қандай омилларни қарши қўйиши мумкин? Бунинг учун энг олдин одамларимизга ташки бузғунчи кучларнинг дин омилидан ўз манфаатлари йўлида фойдаланиш харакатларининг моҳиятини соф диний манбалар асосида очиб бериш керак. Ислом дини зўравонлик, қон тўкиш ёки бузғунчиликка тарғиб қиласлиги, аксинча, бу дин тинчлик, инсонпарварлик, бағрикенглик, эзгулик дини эканини кенг тушунтириш лозим бўлади. Аслида бу дин ҳар қандай зулм, қотиллик, бирорвга озор етказишдан бутунлай холи, энг гўзал ва эзгу амалларни бажаришга чакиравчи соф динdir.

Мана шу томондан олиб қарайдиган бўлсак, имон ва куфр масаласи ҳам Исломдаги энг нозик, аҳамиятли масалалардандир. Бир инсоннинг мусулмонлик даъвосида қанчалик ростгўй экани ёлғиз Парвардигоргагина аён. Шунинг учун ҳам ўтмишдаги кўплаб буюк алломаларимиз, мутафаккирларимиз ўзларича қарор қилишдан сақланишган, муайян бир шахсни коғирга хукм қилиш борасида жуда эҳтиёткор бўлишган.

Давоми 10-саҳифада ►►

ИБРАТ ОЛАЙЛИК

Аллоҳ таоло Қуръони каримнинг бир неча оятларида бизни мұхташам коинотдан ибрат олишга чақиради. Одам боласи Аллоҳ таолонинг борлигини, бирлигини, чексиз құдратини ҳис қилиши учун тоғларга, дengиздарёларга, хайвоноту ўсимлик оламига ва хусусан, эң катта мұйжиза бўлмиш инсонга ибрат назари билан боқиши, тафаккур қилиши керак. Зоро, мана бу ояти карималар шунга ундейди:

“(Эй инсонлар,) ерда ишонувчилар учун аломатлар бордир. Ўзларингизда ҳам. Ахир, кўрмайсизларми?!” (Зориёт, 20 – 21).

“Ахир, улар туяга қараб, қандай яратилганига, осмоннинг қандай қўтариб қўйилганига, тоғларнинг қандай тикланганига ва Еринг қандай ёйиб-текислаб қўйилганига бокмайдиларми?!” (Гошия, 17 – 20).

Табиатда кечаетган қайта жонланиш, янгиланиш ва яшариш жараёнлари улуф Аллоҳнинг яратувчилик құдратини намоён этадиган энг гўзал далиллар эканини пайқамаслик мумкинми? Аллоҳ таоло яратиқнинг нима учун ва қандай қилиб яратилганига диққатни тортиб, бундай марҳамат қиласи:

Сизлар ўзларингиз ичаётган сувни (ўйлаб) кўрдингизми?! Унибулутлардан сизлар ёғдирдингизми ёки Биз ёғдирувчимизми?! Агар Биз хоҳласақ, уни шўр ва аччик қилиб қўйган бўлур эдик. Бас, шукр қилмайсизларми?! Сизлар ёқаётган оловни (ўйлаб) кўрдингизми?! Унинг дараҳтини сизлар пайдо қилдингизми ёки Биз пайдо қилувчимизми?! Биз уни (жаҳаннам ҳақида) бир эслатма ва йўловчилар учун фойдаланадиган нарса қилиб қўйдик. Бас, (Эй Мухаммад,) Улуғ Раббингиз номини (поклаб) тасбех айтинг!” (Воқеа, 68 – 74).

Бу ояtlарни ўқигач, Аллоҳнинг борлигини, бирлигини, Унинг улуф құдратини тасдиқ этишимиз, берган неъматларига шукр қилмасдан иложимиз қолмайди. Ер юзидағи ҳамма нарса ўз тили билан Аллоҳни ёд этиб, Унга тасбех айтар экан, яралмишларнинг энг шарафлиси бўлмиш инсонларнинг Ундан узоқ қолиши тўғри бўладими?

Сўзимизни мана бу ояти карима билан якунлаймиз: “(Эй Мухаммад,) айтинг: “Хабар берингиз-чи, агар Аллоҳ кечани қиёмат кунигача устингизда мангу қилиб қўйса, Аллоҳдан ўзга қайси “илоҳ” сизларга бирор ёруғлик келтира олур?! Ахир, эшитмайсизларми?!” Айтинг: “Хабар берингиз-чи, агар Аллоҳ кундузни қиёмат кунигача устингизда мангу қилиб қўйса, Аллоҳдан ўзга қайси “илоҳ” сизларга таскин топадиган кечани келтира олур?! Ахир, кўрмайсизларми?!” (Қасас, 71 – 72).

«HIDOVAT»

Ойлик диний-маърифий,
илмий-адабий нашр

Муассис

Ўзбекистон мусулмонлари идораси

Бош муҳаррир

Нуруллоҳ МУҲАММАД РАУФХОН

Таҳрир ҳайъати

Усмонхон АЛИМОВ

Абдулазиз МАНСУР

Абдураззок ЮНУС

Ортиқбек ЙОСУПОВ

Анвар ТУРСУН

Аҳад ҲАСАНОВ

Зоҳиджон ИСЛОМОВ

Абдулҳамид ТУРСУН

Хайдархон ЙЎЛДОШХЎЖАЕВ

Баҳодир КАРИМОВ

Эркин МАЛИК

Муҳаммад Шариф ЖУМАН

Исомиддин ОЛИМОВ

Абдул Жалил ХЎЖАМ

(Бош муҳаррир ўринбосари)

Муҳтарама УЛУГОВА

Муқова

«Voris Design» маркази билан
хамкорликда тайёрланди.

Бадиий муҳаррир

Хайруллоҳ ҚУДРАТУЛЛОХ ўғли

Саҳифаловчи

Бахром ИКРОМОВ

Матнни

Рахима КАРИМЖОН кизи
терди.

Манзилимиз

100002 Тошкент шаҳри

Зарқайнар 18-берк кўча 47^а-йй;

Тел: 240-08-23, 227-34-30.

Интернет сайтимиз: www.hidoyat.uz

Интернет почтамиз: m-nashr@yandex.ru

Ўзбекистон Республикаси Матбуот ва

ахборот агентлигига рўйхатга олинган.

Гувоҳнома рақами 0177.

Босишга 2012 йил 20 марта руҳсат берилди.

Босмахонага 2012 йил 21 марта топширилди.

Қоғоз бичими 60x841/8. Адади 49.000 нусха.

2231-сон буортма. «Sharq» нашриёт-матбаа
аксиядорлик компаниясида босилди. Тошкент шаҳри, Буюк Турон кўчаси, 41.

Қўллэзмалар қайтарилмайди.

Муаллифлар фикри таҳририят нуқтаи назаридан
фарқ қилиши мумкин. Келтирилган иқтисобос ва
ракамлар учун муаллиф масъул. Ҳат юборилгани
да исмлар тўлиқ, манзил аниқ ёзилсин. Мақолалар
қўчириб босилса ёки иқтисобос олинса, «Хидоят»дан
олингани кўрсатилиши шарт.

МУНДАРИЖА

Долзарб мавзу

Айдарбек ТУЛЕПОВ

Маърифат жаҳолатни енгади 1

Таянч нуқта

Ибрат олайлик 2

Бугуннинг гапи

Багрикенглиқ тараққиёт омилидир 6

Мунаввар олам

Дурдана битиклар 7

Мустаҳкам оила иили

Аҳмад ибн МИСКАВАЙХ

Тарбияга тайёр бола 8

Яхшилилка чақириш

Содик НОСИР

Қандай дуо қиласиз? 9

Хотира

“Масъуд кунлар сени қувонтиурсин” 13

Табиат

Акмал АВАЗ

Бургутнинг ҳаёт фалсафаси 15

Олисларга саёҳат

Бошқирдистон Республикаси 16

Мазҳабимизни ўрганамиз

Алоуддин КОСОНИЙ

Дин ҳукмларини тартиблишада гўзал санъатлар .. 18

Мактубларда манзаралар

Нафосат САФОЕВА

Мерос 23

Шеърият

Бибисора ТУРОБ қизи

Гуркираган чоғда яшин урмасин... 24

Мирқодир ХУДОЙБЕРГАНОВ

Қўмсоат 24

Исҳоқхон НОСИРОВ

Тўртликлар 25

Махмуд ШОМИРЗАЕВ

Умр ўтмокда 25

Насихат

Баҳодир НУРМУҲАММАД

Яхшилик қилган одам..... 26

Тарбия

Махмуда ВАЛИЕВА

Бола қалбиға йўл топсан... 28

Идора ҳаёти

Муҳаммад Акмалхон ШОКИРОВ

Малайзиялик меҳмонлар..... 29

Аёллар саҳифаси

Бешикдаги бек болам 30

Манзура ШАМСИЕВА

Оналик 31

Сайёра ТУРСУНОВА

Сабоқ 31

Митти тадқиқот

Исломдан илҳомланган Бунин 32

Халқона ўғитлар

Момоларимиз айтади 32

Тафсир

ЭКИНЛАРНИ КИМ ЎСТИРАДИ?

Уруғ сепаётганида “Аъузу”ни ўқи-
ганидан кейин. Воқеа сураси 63-оятни
ўқисин. Сўнг: “Ундириб-ўстирувчи, во-
яга етказувчи Аллоҳ таолодир. Ё Аллоҳ,
Муҳаммада (у зотга Аллоҳнинг
салоти ва саломи
бўлсин) салавот ва салом
йўлла, бу экиннинг мевасидан бизни
баҳраманд эт, зараридан узоқ қил. Биз-
ни неъматларингга шуқр қилувчи, лут-
фу эҳсонларингни зикр этувчи бандала-
риндан айла. Эй оламларнинг Парвар-
дигори, буни бизга баракали қилгин”,
деб дуо қилсин.

4

Масала

СЎРАГАН ЭДИНГИЗ

Саф олиши қулай қилиш максадида
яқин йилларда оёқ остига ип тортиш жо-
рий бўлди. Аммо уламоларимиз жамоат
намозида сафнинг текис бўлиши учун
намозхонлар елкаларининг бир-бирига
тўғри бўлиши кераклигини таъкидлаш-
ган (“Баҳрур роиқ”).

Хабарлар

ИСЛОМ ВА ОЛАМ

Бир тонналик китоб

Дубайдо Пайғамбаримизнинг (у зотга Аланнинг
салоти ва саломи
бўлсин)
ҳаётлари ҳақидаги китоб тақдимоти
бўлиб ўтди. Китоб катталиги ва оғирлиги
жихатидан Гиннес рекордлар тўпламига
киритилди. Бўйи беш метр, эни тўрт метр
ва оғирлиги эса бир тонна бўлган ушбу
қўлёзмани Дубай шаҳри амири ўринбосари,
молия вазири Хамдон ибн Рашид Мактум
тақдим этди.

Адабий таҳлил
Рустам МИРВОХИД

ҲИҚМАТЛАРНИНГ ЗАРБОФ ТЎНИ

Аввалегини фазл дурига уммон бил,
Сонийсини адл гавҳарига кон бил,
Солисни ҳаё гулбунига бўстон бил,
Робиъни валоят баданига жон бил.

Шоир ушбу рубоийда тартиб билан
ҳазрат Абу Бакр, ҳазрат Умар, ҳазрат Ус-
мон ва ҳазрат Алини (Аллоҳ
ундан рози
бўлсин) ўзига хос ус-
лубда васф қиласи.

14

21

22

Муқованинг I-саҳифасида: “Чўлда баҳор”.

Абдуғани ЖУМАЕВ суратга олган.

“Сизлар экаётган зироатларингиз ҳақида ўйлаб кўрдингизми?! Уни сизлар ундирурмисиз ёки Биз ундирувчимизми?! Агар Биз хоҳласак, уни (офат юбориб) қуруқ чўп қилиб қўйган бўлур эдик, сизлар эса ажабланиб қолаверар (ва айтар) эдингиз: «Бизлар зиён қўрувчилармиз. Балки бизлар (ризқимиздан) маҳрумдормиз» (деб надоматда қолган бўлур эдингиз)” (Воқеа, 63 – 67).

ЭКИНЛАРНИ КИМ ЎСТИРАДИ?

Аллоҳ таборака ва таоло бу ояти карималари билан биз бандаларини тафаккурга чорламоқда, кундалик турмушимизда Ўзи яратган қонуниятлар асосида такрор-такрор содир бўлиб тургани учун одатий ҳолга айланниб қолган экиннинг униб чиқиш ҳодисаси ҳақида бир дам ўйлаб кўришни буормоқда: “Сизлар экаётган зироатларингиз ҳақида ўйлаб кўрдингизми?” Эккан уруғингизни ундирувчи, уни экин ва сунбулага айлантириб, мева ёки бошоқ-дон берадиган ҳолатга келтирувчи сизми, Менми? Ишларинг фақат ерни кавлаб, уруғ сочиш (экиш) ва суғориб қўйишдан иборат эмасми? Уруғдан бошоқ ундирувчи эмаслигингизни эътироф этганларинг ҳолда, ердан ўликларни чиқариб, ҳаётга қайтарилишини қандай инкор қиласизлар?

Фахруддин Розий оят тафсирида бундай ёзади: Ояти каримадаги “харс” ва “заръ” сўзлари орасидаги фарқ бор: “харс” экишнинг бошланишидир. Ў ҳам бўлса, ерни ҳайдаш, уруғ қадаш (сепиш, экиш) ва суғоришдан иборат. “Заръ” (ундириш) бўлса, экиннинг ердан униб чиқиши, ўсиши, бошоқ ёки ҳосил бериши каби экишнинг натижасидир.


“Уни сизлар ундирурмисиз ёки Биз ундирувчимизми?!?” Бу ояти каримада Аллоҳ таоло экин экишни бандага, ундириб чиқаришни Ўзига боғлиқ эканини баён этган. Чунки экиш банданинг иши, унинг ихтиёри билан бўлади. Ундириб-ўстириш Аллоҳ таолонинг феълларидан бири, истаса, ўстиради, истамаса йўқ. Мовардий Абу Ҳурайрадан (Аллоҳ унаш рози бўлсин) ривоят қилади: Расулulloҳ (у жота Аллоҳнинг саломи бўлсин) бундай марҳамат қилдилар: «Ҳеч бирларинг (“екин”) ўстирдим” демасин, балки “экдим” десин. Зе-

ро, уни ўстирувчи (зориъ) Аллоҳ таолодир”. Сўнг Абу Ҳурайра (Аллоҳ ундириб бўлсин) деди: “Аллоҳ таолонинг “Уни сизлар ундирурмисиз ёки Биз ундирувчимизми?!?” оятини эшитмаганмисиз?” (Имом Муслим, Ибн Ҳиббон, Байҳақиј).

Куртубийга кўра, ҳадисдаги қайтарик воҷиб эмас, одоб моҳиятига эга. Бу маънода Пайғамбаримиздан (у жота Аллоҳнинг саломи бўлсин) яна кўплаб ҳадислар ворид бўлган.

Ҳар ким ерга уруғ сепаётганида истиъоза (“Аъзуу”)ни ўқиганидан кейин “Сизлар экаётган зироатларингиз ҳақида ўйлаб кўрдингизми?! Уни сизлар ундирурмисиз ёки Биз ундирувчимизми?!?” оятини ўқисин. Сўнгра: “Ундириб-ўстирувчи, вояга етказувчи Аллоҳ таолодир. Ё Аллоҳ, Мухаммадга (у жота Аллоҳнинг саломи бўлсин) салавот ва салом йўлла, бу экиннинг мевасидан бизни баҳраманд эт, зараридан узоқ қил. Бизни неъматларингга шукр қилувчи, лутфу эҳсонларингни зикр этувчи бандаларингдан айла. Эй оламларнинг Парвардигори, буни бизга баракали қилгин”, деб дуо қилсин. Бу ўзи учун яхши бўлади. Бундай дуо ўқиш экинтикиннинг курт-қумурска, чигиртка каби барча бало-офтальдардан сақланиши гарови дейилган. Куртубий бу дуони ишончли кишилардан эшитгани ва у тажрибадан ўтганини айтади (“Ал-Жомеъ ли аҳкомил Қуръон”).

Муфассир Розий бундай ёзади: «У ҳолда Аллоҳ таолонинг “...зориъ (ўстирувчи)ларни лол қолдирадиган...” (Фатҳ, 29) деган ояти каримаси, Пайғамбаримизнинг (у жота Аллоҳнинг саломи бўлсин) “Зироат зориъникидир” (“екин экканникидир”) деган ҳадиси шарифларини қандай тушуниш керак?” деб сўралса, бундай жавоб берамиз: ояларнинг тафсирида “харс” (экиш) билан “заръ”



(ўстириш)нинг бир-бирига боғлиқлиги баён этилди. Экиш ўстиришнинг боши, ўстириш эса экишнинг натижаси ва самарасидир. Бу икки сўздан бирининг ўрнига иккинчисини қўллаш мумкин. Фатҳ сураси 29-оятида “зур-роъ” (ўстирувчилар) сўзи “хуррос” (дехқонлар) маъносини билдиради. Зоро, дехқон эккан уруғи униб чиқиб, мева бериш билан якунига етганини кўриб, қувонади.

Пайғамбаримизнинг (Узотга Аллоҳнинг
саломи бўлсан) “Экин эккан-никидир”, деган ҳадисларига келсак, бу ўринда бундай нозик жиҳат бор: агар у зот “экин ҳорисга тегишлидир” деганларида эди, киши ерни ҳайдаб, шудгор қилиши билан экинга эга бўларди. Бу эса экиннинг уруғи сепилишидан олдин қилинадиган ишлар. Экин ундан кейин ерга уруғ сепганга тегишли бўлади. Яъни Абу Ҳанифа (Аллоҳнинг
рахмати
бўлсан) мазҳабларида уруғ кимни-ки бўлса, экин ўшаники бўлади.

Баъзи олимлар бу борада муболага қилиб, бундай дейишган: “Уруғ экдим ва ҳосил олдим” деб бўлмайди. “Аллоҳ таоло менга мадад берди, экин экдим ва У ўз марҳамати билан менга ҳосил олишни насиб этди”, дейиш лозим».

Мовардий айтади: “Бу ояти карима икки нарсани ўз ичига олган: биринчиси, Аллоҳ таоло экинларни ўстирган Ўзи эканини эслатиб, бандалари Унинг марҳамати билан ҳаёт кечиришларини билдирамоқда. Бу уларнинг ана шу неъматларга шукр қилишлари лозимлигига далолат қилади.

Иккинчиси, ибрат олиниши лозим бўлган далил. Зоро, қадалган уруғни ўстириб чиқаришга, мўрт ва заиф ниҳолни кучли экинга айлантириб, яшнатишга қодир Зот учун ўлган бандаларини қайтадан тирилтириш осондир. Соғлом ақл эгалари учун бу далил етарлидир.

“Агар Биз хоҳласак, уни қуруқ чўп қилиб кўйган бўлур эдик...” Яъни, агар хоҳласак, экинларингга офат юбориб, бир зумда озуқа ва емишга ярамайдиган, қуруқ ўтинга айлантириб кўярдик.

Бу билан Аллоҳ таоло икки жиҳатга дик-қатимизни тортмоқда. Биринчиси, бандалари Аллоҳга шукр қилишлари керак, зоро, У экинларини қуруқ чўпга айлантирмади.

Иккинчиси, бандалар ибрат олиб, ёмонликлардан воз кечсин. Чунки экинларни қуритиб юбориши мумкин бўлгани каби, хоҳлаган пайт уларни ҳам ҳалок қила олади.

Икрима ва бошка муфассирлар ояти каримадаги “**ажабланиб...**” сўзини қилмишларингиз касри ҳатто экинларингизга уриб, “бир лаҳзада куриб битгани учун афсус ва надомат қиласиз”, деб тафсир қилишган.

“Бизлар зиён кўрувчилярмиз...” жумласини Ибн Аббос (Аллоҳ
уздиги
саломи бўлсан) ва Қатода: “Шубҳасиз, биз азобланувчилармиз”, деб таъвил қилишган. Бошқа баъзи тафсирчилар “Биз ҳалок бўлувчимиз”, тарзида тафсир қилишган.

Захҳок ва Ибн Кайсонга кўра, ояти каримадаги “муғрам” сўзи молнинг эвазсиз йўқ бўлиши маъносини беради. Шунга кўра, оят: “Эккан донимиз йўқ бўлиб кетди”, маъносида тафсир қилинади.

“Балки бизлар маҳрумдирмиз”. Яъни, кутган ҳосилимиздан маҳрум бўлдик. Қатода маҳрум бўлиш ризқдан тўсилиб қолиш эканини айтган.

Анасадан (Аллоҳ
уздиги
саломи бўлсан) ривоят қилинишича, Расуулulloҳ (Узотга Аллоҳнинг
саломи бўлсан) ансор ерларидан ўтаётиб, улардан сўрадилар: “Сизларни экин экиндан нима тўсмокда?” Улар: “Курғоқчилик” деб жавоб беришди. Шунда у зот: “Йўқ, ундей қилманг, чунки Аллоҳ таоло: “**Ундириб-ўстирувчи зот Менман. Истасам, сув билан, истасам, шамол билан, истасам, уруғ билан ўстираман**”, деб марҳамат қилган”, дедилар. Сўнг: “**Сизлар экаётган зироатларингиз ҳақида ҳеч ўйлаб кўрдингларми?** Уни сизлар ундириб-ўстирурмисизлар ёки **Биз ундиргувчимизми?!**” ояти карималарини ўқидилар (“Ал-Жомеъ ли аҳкомил Куръон”).

*Имом Куртубий ва Фахридин
Розий тафсирлари асосида
Нўймон АБДУЛМАЖИД
тайёрлади.*



БАГРИКЕНГЛИК ТАРАҚҚИЁТ ОМИЛИДИР

Шу йил олтинчи март куни Ўзбекистон Миллий матбуот марказида Дин ишлари бўйича қўмитанинг 20 йиллигига бағишиланган “Динлараро бағрикенглик – тараққиёт омили” мавзуидаги анжуман ўтказилди.

Мухтарам Юртбошимизнинг “Ўзбекистон Республикаси Вазирлар Махкамаси хузуридаги Дин ишлари бўйича қўмитани ташкил этиш тўғрисида”ги Фармони (1992 йил 7 март) билан ташкил этилган қўмита ҳар бир шахснинг виждан ва диний эътиқод эркинлиги ҳуқуки, фукароларнинг динга муносабатидан катъи назар тенглигини таъминлаш йўлида фаолият қўрсатмоқда. Ўз ишини давлат бошқарувининг бошқа органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

Дин ишлари бўйича қўмита юртимизда фаолият олиб бораётган диний ташкилотлар билан ўзаро ҳамкорлик қилиш, турли конфесиялар фаолиятида ёрдам кўрсатиш, жамиятда динлараро ва миллатлараро тинчлик ва тотувликни таъминлаш юзасидан такливлар ва чора-тадбирлар ишлаб чиқади. Қўмитанинг фаолияти икки асосий тамойилга – диний ташкилотларнинг ички ишига аралашмаслик ва улар билан икки ёқлама самарали ҳамкорликни йўлга қўйишга асосланади.




Бирлашган Миллатлар Ташкилотининг 2010 йил 20 октябрда «Феврал ойининг биринчи ҳафтасини “Диний муносабатларни уйғунлаштириш ҳафтаси” деб эълон килиш ҳакида»ги қарорига монанд равишда қўмита ташабbusi билан динлараро дўстлик ва ҳамкорликни мустаҳкамлашга бағишилаб ўтказилган кенг қамровли тадбирлар Ўзбекистон халқи диний бағрикенглик foяларига содиқлигининг яққол ифодаси бўлди.

Юртбошимизнинг 1991 йилдан эътиборан, ҳар йили ҳаж сафарига оид фармонлари эълон қилинади. Бир неча йилдан буён ҳожиларимизга қулай бўлиши учун Тошкентдан учган учогимиз Мадина шаҳрига қўнади. Юртдошларимиз жойлашадиган меҳмонхоналар ибодат учун қулай жойлардан танланади. Сафар давомида зиёратчиларга ўттиз нафар ишчи гурух, ўттиз нафар тиббиёт ходимлари ва юз нафар гурух раҳбарлари хизмат қиласади.

Ҳаж зиёратини ташкил этиш бўйича қатор йиллардан бери Ўзбекистон Саудия Арабистони Ҳаж вазирлигининг олқишига сазовор бўлиб, бошқа давлатларга ўрнак сифатида баҳоланмоқда. 1991 йилдан шу кунгача ҳажга қарийб 83 минг, умрага 56 мингдан ортиқ нафар юртдошимиз бориб келди.

Дин ишлари бўйича қўмита дин соҳасидаги ҳалкаро анжуманларда, шунингдек, чет элларда бўладиган Қуръон мусобакаларида иш-





тирок этувчиларнинг номзодини тайёрлайди, сафар билан боғлиқ барча ишларни амалга оширади. Жумладан, 1997 йилдан буён Тошкент Ислом институти ва Ислом ўрта-маҳсус билим юртлари талабалари халқаро Қуръон мусобақаларида иштирок этишапти.

Дин ишлари бўйича қўмита ҳузурида бошқа динлар ва конфессиялар ишлари жамоатчилик кенгаси ташкил этилган.

Матбуот анжуманида Дин ишлари бўйича қўмита раиси вазифасини бажарувчи Ортиқбек Юсупов маъруза қилди, журналистларни қизиқтирган саволларга жавоб берди.

Анжуманда сўзга чиқкан Ўзбекистон мусулмонлари идораси раиси, муфтий Усмонхон Алимов, республика Байналминал маданият маркази директори Насриддин Мухаммадиев, “Маҳалла” хайрия жамғармаси раиси ўринбосари Раҳматулла Шералиев, бошқа динлар, конфессиялар раҳбарлари ўтган йигирма йил ичидаги республика мизда динлар ва конфессияларро дўстлик ва ҳамкорликни таъминлаш мақсадида амалга оширилаётган ишларга юксак баҳо бериб, бу ишлар жаҳон ҳамжамиятига ибрат бўла олиши ҳақида асосли фикрлар билдиришди.

ДУРДОНА БИТИКЛАР


Яқинда “Ўзбекистон” нашриёти “Ўзбекистон обидаларидағи дурдона битиклар” номли китоб-албомни чоп этди. Китобда Ватанимизнинг турли минтақаларидағи меъморий ёдгорликлар ҳақида қисқача маълумотлар, улардаги битиклар суратлари ҳамда бу битикларнинг ўзбек, рус, инглиз тилларидағи таржималари берилган. Улар милодий IX асрдан то истиқдол йилларигача даврда қурилган ёдгорликларга араб, форс, ўзбек тилларида кўчирилган Қуръони карим оятлари, ҳадиси шарифлар, ҳикматлар, аждодларимиз ўғитлари ва бошқа тарихий маълумотлардан иборат. Масалан, Самарқанддаги Улуғбек мадрасаси пештоқида бундай ҳикмат битилган: “Илм дунёда иззат, охијатда шарафдир”. Шунингдек, битиклар орасида уларни ишлаган усталар номлари ҳам учраб туради. Жумладан, Уста Мулла Абдулжаббор, Муҳаммад Аваз Самарқандий (Шердор мадрасаси), Зайниддин Шамс Табриз Фаххор (Шодимулк мақбараси), Уста Юсуф Шерозий (Кусам ибн Аббос мақбараси), уста Муҳаммад Саид, Муҳаммад Абдулхолик ибн Муҳаммад Розик (Баҳоуддин Нақшбанд ёдгорлиги), Исмоил ибн Тоҳир ибн Маҳмуд Биноий Исфаҳоний (Бухородаги Улуғбек мадрасаси), Мулла Нурмуҳаммад ибн Қаландар Хоразмий (Паҳлавон Маҳмуд мақбараси), Али ибн Муҳаммад Сарахсий (Полвон дарвоза). Шубҳасиз, бу усталар замонасининг етук хаттоти, меъмори ва наққоши бўлган.

Шуни айтиш керак, бундай битиклардан қанча-қанчаси Чор Русияси истилоси ва собиқ советлар иттифоқи даврида маданий бойликларимизга душманлик сиёсати сабабли бузилиб, йўқ бўлган. Минг шукур, мустақиллик йилларида бу бойликларимизни тиклаш, саклаш бўйича улкан ишлар килинди ва қилингапти.

Китобни “Ўзбекистон маданияти ва санъати форуми” жамғармаси ташаббуси билан Ўзбекистон Фанлар Академияси шарқшунослик институти ва Баҳоуддин Нақшбанд ёдгорлик мажмуаси маркази мутахассислари, жойлардаги билимдонлар тайёрлашган. Битикларни Абдуғафур Раззоқ Бухорий ўқиган. Таржима ва изоҳлар муҳаррирлари Бахтиёр Бобоҷонов, Комилжон Раҳимов. 559 саҳифали китобдаги расмларни Виктория Ботс суратга олган. Адади 2000 нусха.

Китоб тадқиқотчилар, меъморлик, хаттотлик санъатлари тарихи билан қизиқувчилар учун фойдали манбадир.

Жамшид ШОДИЕВ
тайёрлади.



Инсон дунёга келар экан, унда илк пайдо бўлиб шаклланадиган нарса моддий озуқага бўладиган иштиёқdir. Зеро, озуқа ҳаёт манбаи. Шу боис янги туғилган ҳар бир гўдак табиий равишда она тўғрисида ўйлаш, тасаввур қилиш ҳиссиёти уйғонади. Истагини қондиришга тўс-кинлик қиласидиган нарсаларга нисбатан норозилик, ғазаб ва нафрат туйғулари пайдо бўлади, улар билан кура-

Аҳмад ИБН МИСКАВАЙХ

ТАРБИЯГА ТАЙЁР БОЛА



кўкрагини кидиради. Сўнгра у улгайгани сайин нафсини қондириш ва роҳатланишнинг бошқа турларидан ҳам баҳраманд бўлишга ҳаракат қиласиди. Кейинчалик унда ўзига қизиқарли туюлган нарсалар шиши ҳаракатлари бошланади. Қаршилик қилувчилардан ўчилиш, ўзининг кучи етмаса, ота-онасидан мадад сўраш, йиғлаш ва инжиқлик қилиш билан бўлса-да, мақсадга етиш йўлларини кидиради.

Муаллиф ҳақида:

Абу Али Аҳмад (ибн Мискавайҳ) ўн биринчи асрнинг машҳур алломаларидан. Ибн Мискавайҳ “Ал-ҳавомил вәш-Шавомил” (Эътиборсиз ва эътиборли нарсалар) асари билан асрининг қомусий олимлари қаторидан жой олди. Унинг “Тажорибул умам” (Умматлар тажрибалари), “Жовидони хирад” (Илмнинг мангалиги), “Таҳзибул ахлоқ ва татҳибул-аъроқ” (Ахлоқ соғлиги ва ирқлар поклиги) номли асарлари бизгача етиб келган. Булардан ташқари, баъзи манбаларда олимнинг шифобахи ўсимликларга доир асарлари ҳам борлиги айтилади. Руҳият ва ахлоқча доир асарлари юқори баҳоланади.

Ибн Мискавайҳ меросида “Ахлоқ соғлиги ва ирқлар поклиги” китоби энг қимматбаҳо асардир. Олим бу асарини ёзишдан кўзлаган мақсадини бундай ифодалайди: “Бу китобни таълиф этишдан мақсадим – биз ўзимизда шундай гўзал ахлоқларни мужассам қиласилекки, улар ўзимизга муносаб бўлиб, ҳеч кимга малоллик ёки қийинчилик тугдирмасин. Ахлоқ қоидаларини ҳам худди қасб-ҳунар ва таълим олиши каби ўрганиши мизга тўғри келади. Энг олдин ўзимизни яхши тарбия қиласилек, камолга етишини, унга тўсиқ бўладиган иллатларни қандай енгизни билиб олайлик”.

Гўдакда аста-секин ақл-идрок шаклланади. Ундағи ақл ривожининг биринчи белгиси – уялиш ҳисси. У ўзидағи айб ва уятли нарсаларни бошқаларга қўрсатишдан қўрқади. Бундай табиатга эга бўлган бола одамнинг кўзига тик боқишига ҳам ботина олмайди. Энди яхши-ёмонни, чиройли-хунукни ажратади. У тарбияга тайёр. Одобли қилиб тарбиялашни кечиктирмай бошлаш керак. Тарбия жараёнида унинг одобсиз болаларга қўшилиб кетишига йўл кўйиб бўлмайди. Болага бу ёшида нима ўргатилса ёки нимага одатлантирилса, осон қабул қиласиди. Чунки ҳали унинг табиатига ёмон одатлардан бирортаси қаттиқ ўрнашиб улгурмаган. Ундан бирор яхши гап ёки иш содир бўлса, мақтаб кўйиш зарур. Олдида яхши одамларнинг фазилатлари ҳақида кўпроқ гапиришни одат қилиш керак. Мард ва ҳимматли бўлиш каби олижаноб фазилатларни болага уқтириб, онгига сингдириб бориш зарур.

Шайх Абдулазиз МАНСУР
таржимаси

ҚАНДАЙ ДУО ҚИЛАМИЗ?

A

йримлар: “Дуо қилаверамиз, бирортасининг қабул бўлганини сезмадик!” деб ёзгиришиади.

Ахир, қонун-қоидасига мувофиқ ёзилмаган оддий ариза ҳам қабул қилинmas экан, шартларига риоя этилмаган дуо қандай қабул бўлсин?! Ёшланмаган кўз, қизармаган юз, қалбдан чиқмаган минг бир сўз билан қилинган дуолар қандай ҳам ижобат бўлсин хузури Илохийда?

Кўпчилик одамларнинг дуолари худди мактубсиз хатжилдга ўхшайди. Жилди бор-у, ичida ҳат йўқ. Буни бошқачасига ифодаласак, жасад бор-у, рух йўқ, пўсти бор-у, мағзи йўқ, никоб бор-у, юз йўқ.

Оддий бандадан бирор нарса сўрашнинг ўзига хос йўли, одоби бўлгани ҳолда, оламлар Парвардигоридан сўрашнинг одоби бўлмасинми? Дуо инсоннинг ўз ожизлигини эътироф этишидир.

Дуо агар илохий нусрат бўлмаса, одамнинг ўзи, ҳеч нарса қилолмаслигини билишидир.

Дуо банданинг борлиги битта юракка айланиб, илохий Даргоҳга юкунишидир.

Дуо бор кучини, бутун имкониятини ишга солиб ҳам максадига етолмаслигини билган одамнинг Парвардигоридан мадад сўраб, қилган нидосидир.

Буни тушунган одам, бола онасидан бир нимани қатъий

туриб сўраганидек, қатъият билан дуо қилади. Илохий Даргоҳга қўл чўзиб, худди Фотиҳа сурасини ҳар куни ўн марта ўқигани каби қайта-қайта илтижо этди...


Шунда метин қалблар ҳам юмшайди, тошдан сув сизгани каби, улардан ожизлик “оҳ”лари сизиб, юксалади. Ҳеч кутмаган жойингиздан Эгам нажот эшикларини очади. Шоир айтганидек:

*Сур, чиқар агёрни дилдан,
Ҳақ тажсаллий айласин,*

*Подишиоҳ кирмас саройга
хона маъмур ўлмаса.*

Хирсу ҳавас денгизига ғарқ бўлган, дунё матоларига мұхаббатни ўзига жо қилган юракка назар қиласмикин У?

Тоиф сафаридан қайтар эканлар Мұхаммад пайғамбаримиз (зотга Азлокиниң саломи бўслин) режалари пучга чиқиб, иложисиз қолганларида, гумроҳлар отган тошлардан покиза вужудлари қонга беланиб, ҳориб-чарчаб, бир девор панасига



чўқдилар. Ақлнинг чораси қолмаган пайтда, камситилган, ҳорғин ва ғамнок ҳолда мұхаббатуллоҳнинг мушфиқ бағрига ташладилар ўзларини. Кейин муборак дудоклардан пайғамбарлик даврининг бурилиш нуқтаси бўлган дуо отилиб чиқди:

“Илоҳим! Мадорим тугаганини, чорасиз қолганимни ва одамлар орасида хор бўлганимни фақат Ўзингга арз қилтурман... Эй раҳмиларнинг энг марҳаматлиси! Сен менинг Парвардигоримсан, эзилганларнинг мададкорисан. Мени кимларнинг ихтиёрига ташлаб қўйдинг? Менга ғаддорлик қиласмикин қўлигами?..

...Майли, Сен мендан ғазабланмасанг бўлгани, бошқасига парво қилмайман. Аммо марҳаматингдан умидворман. Сенинг нурингга

юкунаман, зулматларни ёритгувчи нурингга...

Менга ғазабинг етмаслиги ва қаҳринг тушмаслигини сўрайман. Сенга сифинаяман, мендан рози бўлсанг, бас. Барча кучкудрат Сенدادир, ёлғиз Ўзингда!...” (Ибн Ҳишиом, “Сийра”).

Содик НОСИР





МАЪРИФАТ ЖАҲОЛАТНИ ЕНГАДИ

◀◀ «Давоми. Бошланиши I-саҳифада

Аммо бугунга келиб буюк аждодларимиз анъаналари унутилди, бир-икки китобни ўқиб олиб, ўзини “мужтаҳид” санайдиган, кишиларни бўлар-бўлмасга кофирга чиқарадиган оқим ва фирмаларнинг вакиллари пайдо бўлди. Бундай оқим ва фирмалар (масалан, “Ал-хижра ват-такfir”, “Хизбут таҳrir” каби) имон ва куфр масалаларида ўта журъатли бўлиб кетишган. Исломни ҳали чуқур ўрганмаган, етарли билим олмаган баъзи ёшларимиз уларга кўр-кўёна эргашиб, залолат ва жоҳиллик йўлига кириб қолишяпти. Шу ўринда “Нега шундай бўляпти? Уларнинг хатоси нимада? Муаммонинг ечими борми?” деган саволлар туғилиши табиий. Ушбу мақоламида ана шу саволларга жавоб топишга ҳаракат қиласиз.

Аллоҳ таоло бандаларини сўзларнинг энг гўзалига, фойдалисига эргашибга чакиради: “Бас, (эй Мұхаммад,) Менинг шундай бандаларимга хушхабар беринг, улар гапни тинглаб, сўнг унинг энг гўзалига эргашадилар. Айнан ўшалар Аллоҳ хидоят этган зотлардир ва айнан ўшаларгина ақл эгаларидир” (Зумар, 17 – 18).

Пайғамбаримиз Мұхаммаддан (у зотга Аллоҳининг саломи бўлсин) ривоят қилинган ҳадиси шарифларда ҳам инсонлар яхши амаллар қилишга, ёмонликлардан қочишга чакирилади: “Мусулмон – қўли ва тилидан ҳеч ким зиён кўрмаган киши. Мўмин – бошқаларнинг моли ва жонига тажовуз этмайдиган киши. Муҳожир – гуноҳ ва маъсиятларни тарқ этган киши. Аллоҳ йўлида муҳоҳид – нафсига қарши курашишга киришган киши”; “Умматим ҳеч қачон залолатда бирлашмайди”; “Инсонларга яхшиликни ўргатувчи кишига Аллоҳ таоло, Унинг фаришталари, осмон ва Ер аҳлари, ҳатто уялардаги чумолию денгиздаги балиқлар ҳам саловат айтади”.

Динимизнинг бу кўрсатмаларидан чекиниб, адашган фирмаларга эргашиб кетган ёшларимиз жоҳилликлари, диннинг асл моҳиятини англаб етмаганлари оқибатида имон ва куфр масаласида бир неча хатоларга йўл қўйишади. Келинг, ана шу хатоларни кенгроқ кўриб чиқайлик:

Бизнингча, улар йўл қўяётган **хатоларнинг биринчиси** масалага енгил-елпи қараш, шошма-шошарлик қилишдир. Бирор шахс ёки бутун бошли жамиятни куфрда айблаш ёки кофирга чиқариш ўта қалтис иш бўлиб, бунга кўр-кўёна муносабатда бўлиш ярамайди. Чунки бунинг ортида куфрға чиқараётган ёки чиқарилаётгандардан бири учун даҳшатли оқибат ётиби. Имом Бухорий Абу Ҳурайрадан (Аллоҳ (у зотга Аллоҳининг саломи бўлсин) ривоят қилинган ҳадисда Расулуллоҳ (у зотга Аллоҳининг саломи бўлсин) бундай деганлар: «Киши ўз биродарига: “Эй кофир!” деса, (куфр) иккисидан биррига қайтади». Ҳадисдан кўриниб турибди, ўзгани кофирға чиқариш оддий ҳақорат сўзи эмас, аксинча, ўз охиратини бой бериб қўйиш эҳтимолини туғдирадиган хатарли масаладир. Шунинг учун ҳам ҳанафий мазҳаби уламолари бошқа мазҳабларнинг олимларидан кўра такfir (куфрда айблаш, кофирға чиқариш) масаласига кўпроқ аҳамият беришган. Бу ҳақда ёзилган асарларнинг биринчиси мисрлик олим, ҳижрий 768 йили вафот этган Мұхаммад ибн Исмоил ибн Маҳмуд Бадр Рашидий қаламига мансуб. Унинг “Куфр сўзлар” номли асарига биринчи бўлиб ҳанафий олимлардан аллома Алийу Қори муфассал шарҳ ёзган.

Хатоларнинг иккинчиси Аллоҳ буюрмаган ишларга вақтни бехуда сарфлашдир. Мусулмон кишининг дунё ва охиратда ўзига наф берадиган амаллар билан шуғулланиши мақсадга мувофиқдир. Қироат илми олимларидан Имом Шотибий бундай дейди: “Шариатда эътироф этилган илм, яъни Аллоҳ ва Унинг расули мақтаган илм – амал қилишга ундовчи илм бўлиб, у ўз эгасини хоҳиш ва истакларга эргашувчи эмас, балки илмига мувофиқ юрувчи қиласи”. “Такfir” эса ҳеч кимга фойда бермайдиган, аксинча, зарарига ҳужжат бўладиган манфаатсиз ишлардандир. Ахир, Аллоҳ таоло бизларни бирор шахс ёки жамиятнинг камчиликларини излашга, уни кофирға чиқариш учун умр бўйи ҳужжат тўплашга буюрмаган-ку! Бу ҳақиқатни ҳар ким ақида илми устозларидан аниқлаб олса бўлади. Ачинарлиси, бу каби ишлар билан шуғулланиб юрган ёшларнинг кўпи имоннинг энг мухим масалала-



ри, намоз, рўза, закот каби ибодатнинг асосий шартлари борасида етарли илмга эга эмаслар. Улар ҳатто Қуръоннинг энг қисқа суралари ни тажвид қоидаларига биноан ўқиёлмайди, ҳадиснинг асл матнларига “тишлари ўтмайди”.

Учинчи ҳато бундай нозик масалаларга ҳали уларнинг шартларини мукаммал равишда ўзлаштирмай туриб киришиб кетишидадир. “Куфр” сўзи, юқорида таъкидлаб ўтганимиздек, исталган пайтда, дуч келган одамга қаратса айтиб юбориладиган сўз эмас. Буни имонли мусулмонга нисбатан кўллаш енгилтаклиқ, калтабинлик ва жохиллиқдан бошқа нарса эмас. Ислом тарихида бундай ишга илк бор кўл урган хаворижларни ҳазрат Али (каррамаллоҳу важҳаҳу): “Бундай нодон ёшлар Қуръон ўқиса, тиловатлари бўғзидан нарига ўтмайди”, дея сифатлаганлар. Мана шу гап барча замонларда хаворижларга эргашувчиларнинг Қуръон оятлари ва ҳукмларини чуқур идрок эта олмасликларига ишорадир.

Исломда “Ал-яқину ла язулу биш-шак” (Аниқ нарса шак-шубҳа билан йўқ бўлмайди) деган қоида бор. Масалан, бир мусулмоннинг таҳорати шак-шубҳалар билан бузилмайди, шундай экан, қандай қилиб гумонтаҳминлар билан унинг бутун имони ва мусулмонлик сифатига тил теккизиш мумкин? Бу қоидага кўра, унинг жони ҳам, моли ҳам бошқаларга ҳаромдир. Расулуллоҳ (у зотга Аллоҳининг саломи бўлсан) вадо ҳажида: “Ушбу шаҳарда (Маккада), ушбу ойдаги (Зулхижжа) бугунги кун (Арафа) ҳурматлангани (ҳаромлиги) каби қонларингиз, молларингиз ва ор-номусларингизга тажовуз қилиш ҳам бир-бирларингизга ҳаромдир. Эшитганлар эшитмаганларга етказсин”, деганлар (*И мом Муслим ривояти*). Шундай бўлгач, “такfirчи алломалар” қайси хужжатга кўра мусулмонларни кофирга чиқариб, уларни қатл этишга фатво беришяпти экан?!

Биз бу мулоҳазаларимиз билан Исломда умуман “куфр, такfir” деган тушунчалар йўқ, демоқчи эмасмиз. Чунки баъзи оят ва ҳадисларда у ёки бу амал куфр деб аталгани Ислом ақидаларидан бир оз хабари бор кишига яхши маълум. Лекин мусулмонлар бу борада жиддий фарқли томонлар борлигини яхши англаб олишлари керак. Бу ҳам бўлса, бирор амални “куфр” дейиш билан ўша амални содир этган муайян шахсни кофирга чиқариш ўргасида катта фарқ бор. Фикримизни Пайғамбаримиздан (у зотга Аллоҳининг саломи бўлсан) ривоят қилинган ҳадислар билан далил-



лашимиз мумкин. И мом Бухорий ҳазрат Умардан (Аллоҳ рози бўласин) ривоят қилган ҳадисда келтирилади: «Расулуллоҳ (у зотга Аллоҳининг саломи бўлсан) даврларида Абдуллоҳ исмли киши келтирилиб, ичклик туфайли дарра урилди. Сўнг яна бир куни келтирилиб, яна дарра уришга буюрилди. Шунда тўпланганлар ичидан бир киши: “Эй Аллоҳ, уни даргоҳингдан (раҳматингдан) йироқ кил, жуда кўп келтирилди”, деди. Шунда Расулуллоҳ (у зотга Аллоҳининг саломи бўлсан): “Уни лаънатлама, чунки мен унинг Аллоҳни ва Расулини севишини биламан”, дедилар». Бошқа бир ҳадисда ичклик туфайли жами ўн кишини лаънатлаган Пайғамбаримиз (у зотга Аллоҳининг саломи бўлсан) худди шу ишни қилган муайян бир кишини лаънатлашдан қайтардилар.

Мусулмон кишини бирор гуноҳи ёки билмасдан қилган хатолари учун кофирга чиқариш ёки кўпчилик аҳолиси мусулмон бўлган ўлкаларни “куфр диёри” деб аташ Ислом ақидасига мутлақо зиддир. Буюк мазҳаббошимиз И мом Абу Ҳанифанинг (Аллоҳининг рахмати бўлсан) ақидага оид “Фикхул акбар” китобида баён этилган қуйидаги фикрларини келтириб ўтиш мақсадга мувофиқдир: “Бирор мусулмонни қилган гуноҳи туфайли кофирга чиқармаймиз, гарчи у гуноҳи кабира бўлса ҳам. Башарти уни ҳалол деб эътиқод қилмаган бўлса, ундан имон исмини ҳам олиб ташламаймиз, уни ҳақиқий мўмин деб атайверамиз. Уни фосиқ мўмин деб аташ мумкин, фақат кофир деб эмас”.

Мазҳабимизда мўътабар саналган “Дуррул муҳтор” ва унинг шарҳи “Раддул муҳтор”да бундай ёзилган: “Ислом диёри фақат мана бу

учта шарт тўпланганидан кейингина куфр диёрига айланади: 1) ширк ахли хукмлари юртилиши билан (шу жойнинг ҳошиясида: “Мушрикларнинг хукми ошкор юритилиб, мусулмонларнинг хеч бир хукми юритилмаганидан кейин куфр мамлакати бўлади”, дейилган). Демак, мусулмонларнинг хукми ҳам, кофирларнинг хукми ҳам юритилган диёр куфр юрти саналмайди; 2) Ислом диёри куфр мамлакатларига қўшилиб, бирлашиб қолса; 3) мамлакатда бирор тинч ва хавфсиз мусулмон қолмаса”.

Ушбу уч шартнинг ҳаммаси бир мамлакатда топилса, у жой куфр мамлакатига айланади. Агар биттаси ёки иккитаси топилиб, бошқаси топилмаса, Ислом юрти бўлиб қолаверади. Ислом хукмлари деганда фақат сиёсий хукмлар эмас, жума ва ҳайит намозларини барпо қилиш, муфтий ва қози сайлаб, унга эргашишни буориш, ҳаж сафарига шароит яратиб бериш каби хукмлар ҳам тушунлади. Чунончи, юқоридаги китобда ёзилганидай, “Дорул ҳарб (куфр юрти) мусулмонларнинг жума ва ҳайитларига ўхшаган хукмлари юритилиши билан Ислом юртига айланади, гарчи у ерда кофирлар бўлса ҳам ва Ислом мамлакатига қўшни бўлмаса ҳам”.

Замонамизнинг машхур алломаси доктор Юсуф Қаразовий бир мусулмонни кофирга чиқариш хусусидаги саволга куйидаги жавобни берган: “Ким Аллоҳдан ўзга илоҳ йўқлигига ва Мұхаммад (у жота Аллоҳнинг
саноми бўлсан) Унинг расули эканига қалби билан тасдиқлаган ҳолда гувоҳлик берса, у мусулмондир. Унга мусулмонларга қилинадиган муомала тўлалигича қилиниши керак”.


Бу далилларга инсоф билан ёндашадиган бўлсақ, мамлакатимиз Ислом диёри эканига, мусулмонларимизнинг бари мусулмон раҳбарлар кўл остида эканига асло шак-шубҳа қолмайди. Мамлакатимизда динимиз аксарият хукмларига амал қилинмоқда, юрт раҳбарлари ўзларининг мўмин эканларини бааралла айтиш билан бирга, ўзгаларни Исломда собит туришга, бошқа динларга қўшилиб кетмасликка тарғиб қилиб туришибди. Демак, бу юртни жоҳилият даврига ўхшатиб “куфр диёри” дея аташга, халқини куфрда айблашга ҳеч қандай асос йўклиги очик аён бўлиб турибди.

Инсон илмни қанчалик чукур эгалласа, дин асосларини теран англайдиган бўлса, бир масалага киришишда, воқеликка баҳо беришда ва холоса чиқаришда шунчалик эҳтиёткор, эъ-

тиборли бўлади. Аксинча, илми қанчалик саёз ва юзаки бўлса, ўргангандар нарсаларини тўғри ва теран фахмламаса, бу каби хатарли масалаларда фатво беришга, хulosса чиқаришга журъатли бўлиши, ҳақ йўлдан адашиши, залолатга юз буриши шунчалик осонлашиб қолар экан. Аллоҳ таоло бундай жоҳилларга қаратада: “Агар билмасангиз, зикр аҳлидан сўранг” (*Наҳъл*, 43), деб буюрган.

Шу ўринда мана шундай хатоларга йўл кўймасликнинг муҳим шартларидан бўлмиш диний илм, хусусан ақида илмини ўрганишда устозни тўғри танлаш зарурати ҳақида ҳам тўхталиб ўтмоқчимиз. Бу борада энг яхши устоз умрини шу билимларга бағишилаган, ақида ва фикҳ илмларини чукур эгаллаган, Ислом таълимотлари ҳақида теран фикрловчи шайх ва уламолардир. Ўтмиш уламоларимизнинг айтишларича: “Олдинлари илм кишиларнинг зеҳнида бўлган, кейинчалик у китобларга қўчди, лекин калитлари ўзларида қолди”. Яъни, инсон ўзи ўқиб-ўрганиши билангина илмни тўла эгаллай олмайди, у ҳамиша бир оқил устозга муҳтождир. Имом Шотибий “Мувофақот” китобида илмни устозлардан олиш баракоти ҳақида бундай ёзади: “Қанчадан-қанча масалалар бор, илм толиблари уларни китобдан ўқиб ёд олади ва доимо тақрорлаб юради, аммо маъносига тушунмайди. Агар ўша масалаларни олим киши баён этиб-шарҳлаб берса, дарров тушунади. Бу тушуниш талабанинг ақли етмаган жойни шайх изоҳлаб бериши орқали ёки шунчаки устоз олдида турган талабага Аллоҳнинг марҳамати сабабидан ҳосил бўлиши мумкин”. Бунга мисол қилиб саҳобаларнинг Куръонни тушунишдаги ҳолатларини келтириш мумкин. Баъзи оятлар нозил бўлганида ўзича тушундим деб ҳисоблаган саҳобийлар кейинчалик Расулуллоҳдан (у жота Аллоҳнинг
саноми бўлсан) ушбу оятда ирода қилинган маъно бошқача эканини билиб олганлари маълум ва машхурдир.

Булардан шу нарса аён бўлади: дин илми асл таълимотларидан узилган йиллари туғилиб катта бўлган айрим ёшлар дин ва ақида хусусида шоша-пиша бир-икки рисолача билан танишиб ёки интернет тизимидағи баъзи сайтилар келтирган маълумотларга таяниб, у ёки бу масалада ўзларини олим санашга, ҳатто фатво беришга ҳам журъат қилишяпти. Натижада илгаридан бир мазҳаб доирасида ва соғ ақидада аҳил яшаб келаётган юртимиз мусул-



монлари, хусусан, тенгдошлари онгини заҳарлашга уринишяпти. Уларнинг асл мақсадлари яхшилик қилиш ёки дин ҳақида жон куидириш эмас, балки четдаги ҳомийлари ишончини ва маблағини оқлаш йўлида фитна ва бузғунчилик қилишдир. Шу боис ҳам бир мусулмон ақида илмини яхши ўзлаштириши, ақидада событ бўлиши зарур. Улуғ шоиримиз Сўфи Оллоёр бежиз бундай ёзмаганлар:

Ақида билмаган

*шайтона элдур,
Агар минг ийл амал
деб қилса, елдур.*

Хулоса сифатида шуни алоҳида таъкидлаш лозим, кейинги бир неча ўн йиллар мобайнида Ислом уммати ўргасида фитна ва бузғунчилик уруғларини сепишга ҳаракат қилган “Ал-хижра ват-такfir” каби фирмаларнинг “дарға”лари ўзларининг бу фикрлари аҳли сунна вал жамоа эътиқодига асло тўғри келмаганини эътироф этиб, бу хато фирмаларидан қайтганларини эълон қилишди. Уларнинг мусулмон кишини “коғир”га чиқариш, у яшаётган жамиятни “жоҳилият”га нисбат бериш ҳақиқатан Исломнинг барҳаёт таълимотларига хилоф эканини кеч бўлсада, охири тан олишлари ва буни барчага маълум қилишлари, ушбу хато фоя ва фирмаларнинг издошларига ҳам тўлалигича таалуқли деб ўйлаймиз. Шундай бўлгач, ҳозирги ҳолатимизни жоҳилият даврига тенглаб, унга жиҳод қилиш фарз деб “фатво” чиқараётган кимсалар бу қилмишлари билан Ислом уммати орасига фитна солаётганини, Ислом бирдамлигига путур етказаётганини, мусулмонлар тинчлиги ва осойишталигини бузиб, фасодга йўл қўяётганини бир ўйлаб кўрса, ёмон бўлмасди.

Ўтган асрнинг иккинчи ярмида адабиётга кириб келган ижодкор киз-аёлларнинг барчаси Ўзбекистон халқ шоири Зулфия эътиборидан, ғамхўрлигидан четда қолмади. Шоира уларни оналиқ қалби билан ардоқлади, адабиётимиз жонкуяри бўлиб кўллаб-куватлади.

Зулфияхоним адабиёт ихлосмандларини ҳам жуда қадрлар эди. Унинг баҳмаллик Юлдуз исмли муҳлисага ёзган хатларидан парчалар фикримиз далилидир.

“МАСЪУД КУНЛАР СЕНИ ҚУВОНТИРСИН”

Суюкли қизим Юлдузжон!

Яхши кунларда мактубингни олиб, кайфиятим кўтарилиди. Сендан келган ҳар бир хат соғинчимни оширади ва кўнглимга тасалли беради.

Бир мактуб ярим дийдор дейдилар. Лекин сенинг иссиқ чехранг ҳамиша кўзим олдида, меҳрингни узокдан ҳам сезиб турман. Сен келадиган кунларинг менинг бу ердаги кунларимни безашини биламан...

* * *

Сен нафақат доно, иродали, мустаҳкам эътиқодли қизсан. Сендайларни дунёга келтириб кетган Онангга раҳмат, кизимжон, ўзингни тетик тут! Ҳаётда тақдирнинг қаттиқ бўронини кўрдинг, кўрганинг ўша бўлсин, шамоллар, шабодаларга чап бериб, уни енгиг яшаш керак. Худо сенга умрингнинг ҳамма фаслида ҳам баҳор шабодасини тухфа этсин.

* * *


Юлдузбону! Мен сени янгиликлар билан қутлайман. Орзуларинг рўёбга чиқадиган масъуд кунлар сени қувонтирсин. Мен хоҳлайманки, сен гўзал келин бўлиб тушган хонадонда ҳамиша осойишталиқ, эзгулик, қадрлилик ҳукм сурсин. Юлдузжон, бу ерда сенинг ўрнинг ҳамиша билинади, лекин баҳтиёр хис билан яшаётганинг учун мамнунман.

* * *

Салом, менинг суюкли қизим Юлдузбону!

Мен сени ва Алишерни оналиқ ва оталик саодати билан муборакбод этаман.

Кизим, сен ҳақсан, оналиқ туйғуси шу қадар кучли ва шу қадар бепоёнки, унинг қай даври қанчалик катта ва гўзал, азизлигини ўлчаб бўлмайди. Буни мен айтяпман. Умрлари ярим аср довонидан ўтган азиз фарзандларимнинг қайси фасли гўзал, азиз ва суюкли – айттолмайман.



СЎРАГАН ЭДИНГИЗ

Ўзбекистон мусулмонлари идораси раиси, муфтий **Усмонхон АЛИМОВ** жавоб беради



Савол: Мушкулкушод ўқиш исломда борми?

Жавоб: Мушкулкушод ма-росимини ўтказиш, унда «Биби Мушкулкушод» номли қисса ўқиш шариатимизда йўқ, мумкин эмас. Банданинг бошига тушган мусибатни аритувчи, оғирини енгил қилувчи, мушкул ишларини кушода (ҳал) этувчи зот Аллоҳ таолодир. Бинобарин, Аллоҳ таолодан бошқасидан мадад сўраш ислом дини ақидасига бутунлай зиддир. Халқимиз, айниқса, айрим тушунчasisiz аёллар ўртасида кенг тарқалган ва тарқалишда давом этаётган бундай маросимларни ўтказиш, Биби Мушкулкушоддан мадад сўраш каби хурофтларнинг илдизи Исломдан илгариги ботил эътиқодларга бориб тақалади. Яъни, баъзилар ушбу заминда яшаган эски халқларнинг диний эътиқоди сарқитларидан бўлган бу хурофий одатга исломий тус бериб, динимизга олиб киришга уринишган. Мантиқан ўйлаб қарасак, қайсири мархумнинг руҳи ўзи дуога, савобга ва Аллоҳ таолонинг мададига муҳтоҷ бўлгани ҳолда қандай қилиб тирикларнинг муаммоларини ҳал эта олади? Бундан ташқари, ҳар куни намозларида ўттиз икки марта “Сенгагина ибодат қиласиз, Сендангина мадад сўраймиз” (Фотиха, 5), дея Аллоҳ таолога сўз бериб, яна қай юз билан бандасидан мадад сўрайдилар?!

Шунинг учун, бошига иш тушган одам ҳар хил ўринсиз ишларга ўзини урмай, Пайғамбаримиздан (узоти Аллоҳнинг
салоти ва саломи
бўйини) ривоят қилинган дуоларни ўқиб, салавотлар айтиб, Аллоҳ таолонинг ўзидан мушкулини осон қилишини сўраши керак.



Савол: Намозда саф текис бўлиши учун ҳозир масжидларда оёқ остига ип тортиб қўйиляпти. Қадамлар катта-кичиликлигини ҳисобга олсақ, ипга оёқ учи тўғриланса, барибир саф текис бўлмайди-ку?



Жавоб: Сиз айтган ҳолат намозхонларга саф олишни қулай қилиш мақсадида яқин йилларда жорий бўлган ишдир. Аммо уламоларимиз жамоат намозида сафнинг текис бўлиши учун намозхонлар елкаларининг бир-бирига тўғри бўлиши кераклигини таъкидлашган (“Баҳрур роиқ”).



Савол: Жаноза намозида имомга эргашганлар нима қиласи? Фарз намозларидаги каби санони айтиб, қолганига индамай тураверадими?

Жавоб: Жаноза намозида имомга эргашганлар такбири таҳрима, жанозанинг қолган учта такбири, сано, салавот ва жаноза дуоси кабиларни ичидаги мустақил ўқишиади (“Фатовои Ҳиндия”).



Савол: Бир кунда беш вақт намоз бор, деймиз. Витр намозичи? Ёки у хуфтон намози таркибиага кирадими?

Жавоб: Йўқ, витр хуфтон намози таркибиага кирмайди. У алоҳида намоз, лекин вақти хуфтон намози вақтидир, Пайғамбаримизга (узоти Аллоҳнинг
салоти ва саломи
бўйини) фарз, умматларига

эса (бизнинг мазҳабга кўра) вожиб қилинган (*Сарахсий. “Муҳим”*). Чунки Расулуллоҳ (Узотта Аллоҳининг салоти ва саломи бўйни) бундай марҳамат қилгандар: “Эй Қуръон аҳли, витр намозини ўқинг! Зоро, Аллоҳ таоло тоқдир, тоқни яхши кўради” (*Имом Абу Дусуд, имом Термизий ривояти*).

“Витр” луғатда тоқ маъносини бергани учун бу ҳадисда “Аллоҳ таоло тоқдир, тоқни яхши кўради”, дейилмокда.

Витр намози хуфтон вақти кирганидан бошлаб кечанинг охиригача ўқилаверади. Аммо хуфтондан олдин ўқиши жоиз эмас. Агар витр хуфтон намозининг таркибига кирганида, уни кечанинг охиригача кечикириш макрух бўларди. Ҳолбуки уни кечанинг охиригача (бомдод вақтига қадар) кечикириб ўқиш мустаҳабдир (“*Табийин*”).

Ҳанафийликда витр намози уч ракат. Ҳар бир ракатида Фотиҳа сураси ўқилади. Унинг биринчи ракатида Альло, иккинчи ракатига Кофирун, учинчи ракатига Ихлос сураларини ўқиш мандубдир. Бунга Расулуллоҳнинг (Узотта Аллоҳининг салоти ва саломи бўйни) витр намозини ана шундай ўқигандари ҳақидаги Имом Аҳмад, Насаий ва Ибн Можанинг Убай ибн Къабдан (Аллоҳ уйиди роин) ривоят қилган ҳадислари далил бўлади (“*Фикхул ислям ва адиллатуҳу*”).

Витр намозининг учинчи ракатида “Қунут” дуосини ўқиш, саҳих қавлларга кўра, вожибдир (“*Жавҳаратун найири*”).

*Жавобларни
Нўъмон Абдулмажид
ёзиг олди.*

БУРГУТНИНГ ҲАЁТ ФАЛСАФАСИ

Бургутлар яралганидан қуч-қувват, зафар ва эрк рамзи бўлиб келган. Бургут кўз етмаган баландликларда бургутлар билан ёки ёлғиз учади. Асло ва асло бошқа кушларга аралашмайди. Кўзлари ўткир бўлади, ўлжасини беш минг метр юқоридан кўради ва қўлга киритмагунича ундан кўзини ўзмайди.

Бургут ўлимтик емайди, балки ўлжани ўзи овлайди. Емишнинг янгисини излайди.

Бўронли, ёмғирли ҳавода учишдан қўрқмайдиган қушдир. Бундай ҳаво, аксинча, унинг шижаотини қўзғайди. Шамолли вазиятдаги ҳаво босимини фойдаси учун ишлата олади. Бу ҳол унга қанотларини кўп ҳам қийнамасликка имкон беради.

Бургут хонимлар бургут жанобларни қайта-қайта синааб, шундан кейингина турмуш ўртоқликка қабул қиласди.

Бургутларчалик иинин юқорига қурадиган ва уни қаттиқ ҳимоялайдиган бошқа күш йўқ.

Бургут болаларини ўта қаттиқ ўллик билан учишга ўргатади. Вақти етиб, полапонини индан ташқарига улоқтирас экан, дангасалик қилиб яна “иссиқ уйларига” қайтиб келмасликлари учун она бургут иинин бузиб ташлайди.

Одатда бургут етмиш йил яшайди. Лекин қирқ ёшга борганида тирноқлари узайиб, патлари жуда ўсиб, учишига халақит бера бошлайди. Шунда ажойиб бир ҳодиса юз беради: бургут қояга жойлашиб, тумшуғи ва тирноғи билан қоятошни тирнай бошлайди, бу орада эски патларини ҳам юлиб ташлашга улгуради. Беш ой ичидаги янги тумшуқ, янги тирноқ ва янги пат ўсиб чиқади. Янгиланиш бургутларнинг ҳаёт-мамот масаласидир.

Акмал АВАЗ



БОШҚИРДИСТОН РЕСПУБЛИКАСИ



Жуғрофий ўрни. Башкирдистон шимолда Перм, Свердловск, шарқда Челябинск, жанубда Оренбург вилоятлари, ғарбда Татаристон, шимоли-ғарбда Удмуртия билан чегара дош. Жанубий Урал, Уралолди ва Уралорти қияликларида, Осиё ва Оврупа туташган худудда жойлашган. Мамлакат жанубдан шимолга 550, ғарбдан шарққа 430 километрга чўзилган. Худудидан Оқ Идил, Дим, Нуғуш, Сим, Ошкадар, Стерля дарёлари оқиб ўтади. Башкирдистон худудида 2700 га яқин катта-кичик кўл бор. Йирикроқлари – Асликўл ва Кандракўл. Ҳудудининг қирқ фоизини ўрмонлар эгаллаган. Дарё, кўл ва бошқа сув ҳавзаларида 47 турдаги балиқ бор, улардан 13 хили Башкирдистон Қизил китобига киритилган.

Ўлкада нефт, табиий газ, кўмир, рух, мис, темир рудаси, олтин, тоштуз конлари ва сифатли семун хомашёлари бор.

Иқлими континентал. Ўртacha ҳарорат қишда 18 да-

Майдони: 142947 кв.км.

Аҳолиси: тўрт милёндан ортиқ.

Пойтахти: Үфа шаҳри.

Тузуми: республика (Россия Федерацияси таркибида).

Давлат бошлиғи: президент.

Маъмурий тузилиши: 54 та туманга бўлинади.

Йирик шаҳарлари: Үфа, Стерлитамак, Саловот, Нефтекамск.

ража совуқ, ёзда 18 даража иссик.

Тарихи. Ўлка маҳаллий аҳоли – башкирларга нисбат берилиб “Башкирдистон” деб аталган. Башкирд қабилалари ҳақидаги илк ёзма маълумотлар Ҳеродот (милоддан олдинги V аср) асарларида учрайди. Птоломей (II аср) харитасида “Даикс” деган дарё номи кўрсатилган. Бу башкирдчада “Ёйик” деб аталадиган ҳозирги Урал дарёсидир. Саллом Таржимон (IX аср), Аҳмад ибн Фазлон (X аср), Балхий асарларида башкирдлар икки гурухга бўлиниб, бири Жанубий Уралда, иккинчиси Дунай бўйларида яшаши қайд этилади. XII аср тарихчиси Идрисий эса башкирдлар “ички” ва “ташки” гурухларга

бўлиниши, уларнинг Нимжон, Гурхон, Каракия, Касра ва Масра каби шаҳарлари борлиги тўғрисида гувоҳлик беради.

Милодий X-XIII асрларда башкирд ерлари Волга Булғористони таркибига кирди. 1219 – 1220 йиллари Чингизхон бошлиқ мўғул қўшинлари башкирдларнинг Йиртишдаги ёзги яйловига хужум уюштиради. Уруш ўн тўрт йил давом этади. Башкирдларнинг жанговарлигини кўрган мўғуллар иложсиз сулҳ тузади. Гарчи башкирдлар яшайдиган ҳудуд Чингизхон авлодлари ҳукмронлиги остига кирган бўлса-да, бийлик ёрлиғини олади, яъни, амалда мустақил бўлади. Хон башкирдларни ҳарбий хизмат ва қабилавий





бошқарувга масъул этиб таинлаб, бир қанча имтиёзлар беради. Ҳуллас, XII – XIV асрларда бошқирдлар яшаган ҳудудлар Олтин Ўрда таркибида бўлади.

1391 йили Амир Темур қўшини Тўхтамиш лашкарини енгач, Олтин Ўрда салтанати барҳам топди. Шундан сўнг бошқирдлар Нўғай ўрдаси, Қозон ва Сибир хонликларига қўшилди. 1557 йили кўпчилик бошқирд элатлари Рус давлати таркибига кирди. XVII аср ўрталарига келиб, Сибир хонлиги қулагач, ҳозирги Бошқирдистон ҳудуди Русияга қўшилди. 1708 йили бу ҳудудда Қозон губернасиға қарашли Уфа беклиги ташкил этилиб, 1719 йили Уфа вилоятiga айлантирилди. 1737 йили Бошқирдистоннинг Урал орти қисми Исет вилоятiga қўшилди. 1744 йили эса Оренбург губернаси тузилиб, унга олдинги Оренбург, Уфа ва Исет вилоятлари киритилди. 1865 йили Оренбург губернаси Уфа ва Оренбург вилоятларига бўлинди.

1917 йили Собиқ Иттифоқ ҳудудида хукумат большавийлар қўлига ўтгач, Оренбург, Перм, Самара ва Уфа губерналари Бошқирдистон мухториятига бирлаштирилди. 1919 йил 20 марта Бошқирдистон Мухтор Совет Республикаси ташкил этилди. 1922 йили ўлка ҳудуди қенгайтирилиб, пойтахт Стерлитамақдан Уфага кўчирилди.

1990 йил 11 октябрда мамлакат Олий Кенгashi Бошқирдистон суворенитечи ҳақидаги декларацияни қабул қилди. Собиқ Иттифоқ парчалангач, Бошқирдистон Россия Федерацияси таркибида қолди.



Иқтисоди. Саноат ва қишлоқ хўжалиги ихтиносослашган. Ялпи ҳудудий маҳсулотнинг 49,6 фоизи ишлаб чиқариш, 8,2 фоизи қишлоқ ва ўрмон хўжалиги ҳиссасига тўғри келади. Ишлаб чиқаришнинг асосий тармоғи нефт қазиб олиш ва қайта ишлаш саноатидир. Қазиб олинадиган нефт ишлаб чиқариш маҳсулотнинг 23 фоизини, нефтни қайта ишлаш 20 фоизини, кимё ва нефт-кимё тармоғи эса 16 фоизини ташкил этади.

Кишлоқ хўжалиги дехкончилик ва чорвачиликка йўналтирилган. Буғдой, жавдар, сули, арпа, қандлавлаги ва кунгабоқар етиширилади. Чорвачилиги гўштсут маҳсулотлари ишлаб чиқаришга ихтинослашган. Қўй, от, парранда боқилади. Қимиз тайёрлаш ва асал етишириш ривожланган. Бошқирд асали машхур. Ўлка асалари боқищ, асал тўплаш, соҳадаги илмий изланишлар бўйича Россияда биринчи ўринда туради.

Мамлакатда сайёҳлик ҳам анча ривожланган. Табиати сўлим, тоза ҳаволи гўзал масканлари кўп. Шу сабабли уни “иккинчи Швейцария” деб

аташади. Ҳар йили бу ердаги дам олиш ва даволаниш масканларига тўрт юз мингдан ортиқ киши келади.

Аҳолиси. Аҳолининг 60,4 фоизи шаҳарларда, 39,6 фоизи қишлоқларда яшайди, бир юзу ўттиздан ортиқ миллат вакиллари бор. Үлар орасида рус (36,1 фоиз), бошқирд (29,5 фоиз) ва татарлар (25,4 фоиз) кўпчиликни ташкил этади.

Дини. Бошқирдистонга илк мусулмон савдогарлар миlordiy VII – VIII асрларда ёк келишган. Кейинчалик бу юрга турли олимлар, дин билимдонларининг ҳам қадами етди. Масалан, X асрда Аҳмад ибн Фазлон бошқирдларга Исломдан таълим бергани манбаларда қайд этилади. Ўзбекхон (1312 – 1342) даврида Ислом Олтин Ўрданинг расмий динига айланди. Айни шу даврда кўплаб ўлкалар қатори бошқирдлар мамлакати ҳам мусулмонлашди.

Ҳозир Бошқирдистондаги диний муассасаларнинг олтмиш етти фоизи исломий идоралардир. 1990 йилгача Бошқирдистонда ўн бештагина масжид ишлаган бўлса, ҳозир мамлакатда тўққиз юздан ортиқ масжид бор.

Алоуддин КОСОНИЙ

ДИН ҲУКМЛАРИНИ ТАРТИБЛАШДА ГЎЗАЛ САНЪАТЛАР*

БОШГА МАСХ ТОРТИШ

Таҳоратдаги учинчи фарз бошга бир марта масҳ тортишдир.

Аллоҳ таоло: “...бошларингизга масҳ тортингиз...” (*Муида*, 6) деб буюради. Бу буйруқ тақорни тақозо қилмайди, шунинг учун бир марта масҳ тортиш фарзdir.

Масҳнинг фарз бўлган миқдори хусусида уламоларимиз ўртасида турли фикрлар бор. Муҳаммад ибн Ҳасан Шайбонийнинг ҳанафий уламолар истилоҳида “Асл” деб номланган “Мабсут” китобида, масҳ қилинадиган жой учта бармоқ миқдоридир, дейилган. Яъни, бошга масҳ қўл бармоқларининг учтаси билан тортилса, масҳнинг фарзи бажарилган бўлади.

Ҳасан ибн Зиёд ривоят қилишича, Абу Ҳанифа бошнинг тўртдан бирига масҳ тортиш керак, деб белгилаган. Имом Зуфар ҳам Абу Ҳанифанинг шу гапига қўшилади. Мазҳабимиз уламоларидан Кархий ва Тоҳовий эса, пешона миқдорида масҳ қилиш керак, дейдилар. Яъни, уларнинг айтишига кўра, ҳар бир инсоннинг пешонаси қанча кенгликда бўлса, бошининг ўшанча жойига масҳ тортиши керак, шунда масҳнинг фарзини адо қилган бўлади.

Имом Абу Ҳанифанинг масала бобида нақадар моҳирлиги, оят, ҳадиснинг ич-ичига кириб тушуниши қуидаги мисолда яққол кўринади. “Бошларингизни силанглар” деган сўзлар “Нима билан силаймиз?” деган саволни тақозо қилади. Ўз-ўзидан маълум, қўл билан силаймиз. Унда ҳам бутун қўл билан эмас, балки унинг бармоқлари билан силаймиз. Қўл панжаси беш бармоқдан иборат. Бешнинг ярмидан қўпи учдир. Юқорида айтилган: уч бармоқ миқдорида силаш билан масҳнинг фарзи адо бўлади, деган гапнинг асоси шудир.

Диққат қилинса, бу ерда Имоми Аъзам ҳеч ким эътиборини қаратмаган томонга – масҳ тортиладиган миқдорнинг бармоқларга боғлиқлигини зийраклик билан топиб эслатяптилар.

* Давоми. Бошланиши ўтган сонларда.

Бошига бармоқларидан учтасини қўйди-ю, тортмади. Учта нам бармоқ бор бўйи билан бошга тегди. Бу ҳолатда бош учта бармоқ билан силанса, масҳнинг фарзи бажарилган бўлади, деган “Мабсут”дан келтирилган ривоятга кўра, масҳ жоиз бўлади. Аммо “пешона миқдорида масҳ тортиш” ёки “бошнинг тўртдан бирига масҳ тортиш” деган ривоятларга кўра, уч бармоқни бошга қўйиб олса, бу масҳга ўтмайди. Чунки уч бармоқ ўрни бошнинг тўртдан бир миқдорига етмайди. Аммо бу ерда билиб қўйиш муҳим бўлган бир нуқта бор. Одатда, икки қўлимиз билан масҳ тортамиз. Ҳар қўлимизнинг учтадан бармоғини бошга қўйисак, олтита бармоқни қўйган бўламиз. Бу ҳолда масҳ адо этилган бўлади. Чунки олтита бармоқ бошнинг тўртдан бир қисмини аниқ эгаллади.

Масҳ тортишда сочнинг тагига сув етказиш фарз эмас. Чунки бунда қийинчилик бор. Шариатимиз ҳеч бир ҳукмда бандаларни қийнамайди. Қолаверса, Қуръони каримда сочларингизга масҳ тортинглар, дейилмади, балки бошларингизга масҳ тортинглар, дейилди.

Сочга масҳ тортиш бошга масҳ тортишнинг ўрнига ўтаверади. Энди бир кишининг сочи узун бўлиб, елкасидан ҳам пастга тушиб турса, шу одам сочига масҳ тортса, нима бўлади? Бу одам қулоғидан тепа қисмдаги сочига масҳ тортса, жоиз, чунки қулоқдан юқоридаги сочга бошнинг ҳукми берилади. Агар сочининг қулоқдан пастга осилиб турган қисмига масҳ тортса, жоиз эмас, чунки бу қисм бўйин ҳисобланганидан бўйинга масҳ тортган бўлиб қолади. Бу ҳукм аёлларга ҳам тегишлидир.

Саллага, қалпоққа, дўппига масҳ тортиб бўлмайди. Чунки булар сочга сув етишидан тўсади. Шунинг учун дуруст эмас. Аёл киши таҳорат олаётib, рўмолига масҳ тортиши ҳам жоиз эмас. Ойша (Аллоҳ ундан рони
бўлсини) таҳорат қилаётib, қўлларини рўмолларининг остига киритиб бошларига масҳ тортидилар ва: “Расулуллоҳ (юнга Аллоҳининг
саноти ва славони) менга шуни буюрганлар”, дедилар. Яъни, Расули акрам рўмолнинг устидан масҳ тортмасликка буюрган-



лар. Лекин агар ўша рўмол жуда юпқа бўлиб, хўллаб, устига қўйилган қўл нами сочга бемалол ўтса, бу ҳолда жоиз. Чунки унда сочга нам ўтиб, масҳ сабит бўлади, худди бошнинг масҳ фарз бўлган микдордаги қисмига ёмғир тушса бош масҳ қилинган бўлгани каби. Бу ҳолатда бошни силаш ё силамаслик эътиборга олинмайди, сув тегдими, масҳ амалга ошган бўлади. Чунки бу вазиятда феъл эмас, балки сочга сув етиши мақсад қилинган.

ОЁҚЛАРНИ ЮВИШ

Тахоратдаги тўртинчи фарз оёқларни бир марта ювишdir. Аллоҳ таоло: "... оёқларингизни ошиқларигача (ювингиз!)" (*Моуда, 6*) деб буюрган. Оёқларни тўпифигача, тўпикларини ҳам қўшиб ювиш буюрилган. Оятдаги "ارجکم" лафзи икки хил ўқилади. Жумхур (аксар) корилар уни: "оёқларингизни ҳам ювинглар" деган маънода "رجکم" (аржуликум) деб ўқиди. Айрим қорилар "ва аржуликум" деб ўқиди. Унда "оёқларингизга масҳ торинглар" деган мазмун чиқади. Китоб мусаннифи ушбу иккала ҳолатни батағсил ва холис тушунтириб берган.

Демак, "аржуликум"даги биринчи "лом" ("л" ҳарфи) фатҳа билан ҳаракатланиб, тушум келишигига бўлади. Шунда бу сўз оят бошида келган "وجوهكم و ايديكم" ("юзларин-

гизни ва қўлларингизни...") деган калималарга атф ("ва" боғловчиси орқали уюшиб келган) ҳисобланади ва оят маъноси бундай тушунилади: "...юзларингизни ювинглар, қўлларингизни тирсакларингизгача ва оёқларингизни тўпикларингизгача ювинглар ва бошларингизга масҳ торинглар".

"Оёқларингизни ювинглар" деган буйруқ мутлақ бўлгани учун такорни тақозо қилмайди ва бундан "оёқларни бир марта ювинглар" деган маъно чиқади, шуни бажариш билан фарз адо бўлади. Демак, оёқни бир марта ювиш фарз экан. Уч марта ювиш эса Пайғамбаримизнинг суннатлари бўлиб, унга риоя қилсан, бу амалнинг фарзини ҳам, суннатини ҳам бажарган бўламиз.

"Рофиза"лар, "оёққа масҳ тортиш фарздир", дейишади. "Рофиза" – тарқ қилиб чиқувчи деганидир. Маҳсига, этикка масҳ тортувчи аҳли сунна вал жамоа вакилларидан фарқли равишда, у тоифага мансуб кишилар тахорат килаётганида пойабзалини, пайпоғини ечгандари ҳолда, оёқларини ювмасдан, уларга масҳ тортишади. Чунки, оятдаги ўша сўзни улар "ва аржуликум" деб ўқишлиари боис: "бошларингизга ва оёқларингизга масҳ торинглар" деган мазмун чиқаришади.

**Шайх Алоуддин МАНСУР
таржимаси**

Таржимон изоҳи:

Ҳанафий мазҳаби бўйича кўп китоблар таълиф этилган. Шундай асарлардан бири "Мухтасарул виқоя" китобидир. Ўз номи билан мухтасар, ихчам, ёдлаши учун қулай услугуда ёзилган бу китоб муаллифи "Тожиши шариъа" деб улугланган олим Убайдуллоҳ ибн Масъуддир. Халқ орасида "Мухтасар" номи билан машҳур бу китобда ҳанафий фикҳи бўйича зарур масалаларнинг барчасига жавоб берилган. Аммо унда ҳукмларнинг далиллари келтирилмаган, ихтилофлар айтилмаган. У зот билишимиз, қилишимиз зарур бўлган ишиларнигина айтганлар. Баъзилар "далиллари собит эмас" деган иддао билан бу китобни тан олишимайди. Аслида, "Мухтасарул виқоя"даги ҳар бир фикҳий масала замирида Қуръони карим ва ҳадиси шарифдан далил-хужжатлар бор. Лекин мусулмонлар оммасига эсда тутиши ва амал қилиши осон бўлсин учун масалаларнинг магзи, хуносаси айтиб қўйилган. Балки шу мақсадда унга бошқа мазҳаб масалалари киритилмагандир.

Ўрганаётганимиз "Бадоевс саноеъ..." эса бошқа фикҳий китоблардан фарқли равишда, мукаммал ва жуда муфассал асардир. Унда ҳар бир масалаларнинг далили изчил текширилади, ихтилофли масалаларнинг сабаблари изланиб, улар тўла ва атрофлича ўрганилади. Албатта, ҳанафий мазҳабимиз далиллари баробарида суннийлик ичидаги бошқа мазҳаб далиллари ҳам келтирилади. Бу ниҳоятда инсофли ва ўзига ишонган одамгина қиласидиган ишдир. Биз ушибу китоб мутолааси орқали масалаларни тушунишида сунний мазҳаблар ўртасида фарқлар бўлишини, ҳар бир мазҳабнинг муайян бир масалада ўз далили борлигини, ҳар қайси мазҳаб вакили ўз уламоларига, мазҳаб раҳбарларига эргашиб, ўша далилни қабул қўлганини, демак, уларнинг ҳам аҳли сунна ва жамоадан эканини билиб оламиз. Чунки бу мазҳаблар бир-бирини қўллаб-қувватлаган, бир-бири билан имтироқ бўлган, бир-бирига устоз-шогирдлик қилиб келган уламоларнинг йўлларидир.



ИСЛОМ ВА ОЛАМ



Йилнинг энг яхши ахборот телеканали



Буюк Британияда ўтказилган танловда “Йилнинг энг яхши ахборот телеканали” совринини “Ал-Жазира” нинг инглиз тилидаги лойиҳаси кўлга киритди.

Ушбу телелойиҳа беш йилдан бери эфирга узатилади. У оммавийлиги жиҳатидан “BBC News” ва “Sky News” хабар узатувчирадан ўзиб кетди. Айниқса, жонли репортаж, интервю ва энг муҳим воқеалар ҳақидаги тезкор лавҳалар “Ал-Жазира”га обрў келтириди.

Чекишига қарши кураш

Озарбойжонда тамаки маҳсулотлари истеъмолини камайтириш йўлида қатъий қарорлар қабул қилингани. Мамлакатда ўн саккиз ёшга тўлмаган ўспириналарга тамаки сотиш тақиқланди. Уларга тамаки маҳсулотлари сотган шахсларга юз эллик манат жарима белгиланди.

Фармон кучга кирди

Муҳтарам Юргашимизнинг “Спиртли ичимлик ва тамаки маҳсулотлари савдоси-



ни қисқартириш” ҳақидаги фармони шу йил 1 апрелдан кучга киради. Фармонга кўра, болалар боғчалари, мактаблар, ўқув юртлари, диний ташкилотлар ва спорт муассасаларидан камида беш юз метр атрофда спиртли ичимликлар ва тамаки маҳсулотлари савдоси тақиқланади. Фармон ёшларни соғлом руҳда тарбиялаш ишига хизмат қилиши шубҳасиз.



Душанбада анжуман ўтказилди

Шу йил 21 феврал куни Душанбада “Ўрта Осиёда Ислом динининг ривожланиши” мавзудида анжуман ўтказилди. Тадбирни “Осиё-плюс” ахборот гурухи ва Фридрих Эберт жамғармаси ташкил этди. Анжуманда Ислом дини таълимотларини тўғри англаш ва тинчликка таҳдид солаётган бузгунчи оқимлар фолиятига чек қўйишга доир масалалар кўтарилиди. Унда соҳанинг масъул ходимлари, турли халқаро ташкилотлар вакиллари қатнашди.

Уммонда ўтказилади

Араб санъати уюшмаси “Холид Шоман Дорат Фунун” жамғармаси билан бирга шу йил 3 – 4 июн кунлари Иордания пойтахти Уммон шаҳрида анжуман ва санъат дурданалари кўргазмасини ўтказиш ниятида.





Режага кўра анжуманд замона вий араб санъатининг жаҳонда тутган ўрни, мавқеи хақида сўз юритилади.

Банк ҳисоботи

Араб Банки уюшмаси Ислом банки бир йиллик иш натижаларини ҳисоблаб чиқди. Унга кўра, банк 2011 йил саккиз миллион бир юз



минг доллар кирим қилган. Бу кўрсаткич 2010 йилдагидан икки юз тўқсон уч фоиз кўпdir. Ўтган йили ҳиссадорлар маблағи икки юз йигирма етти миллион долларни ташкил қилди. Бу ҳол жаҳон молиячиларининг ушбу банкка қизиқишини тобора орттироқда.

Бир тонналлик китоб

Дубайдаги Пайғамбаримизнинг (у зотга Адлохининг салоти ва саломи бўлсин) хаётлари ҳақидаги китоб тақдимоти бўлиб



йўтди. Китоб катталиги ва оғирлиги жиҳатидан Гиннес рекордлар тўпламига киритилди. Бўйи беш метр, эни тўрт метр ва оғирлиги эса бир тонна бўлган ушбу қўллёzmани

Дубай шахри амири ўринbosари, молия вазири Хамдон ибн Рашид Мактум тақдим этди. Тақдимотда ҳукумат аъзолари, дипломатлар ва олимлар қатнашди. Шайх Хамдон “Бу Муҳаммад (у зотга Адлохининг салоти ва саломи бўлсин)” деб номланган ушбу китобдан эллик нусха тайёрлашни буюрган. Мақсад уни дунёning турли бурчакларидағи диний ташкилотларга совға қилишdir.

Бош директор ҳиммати

Сибир ғарбидаги “Когалим” жоме масжидига “Лукойл” нефт ишлаб чиқариш ширка-

ти бош директори Вагит (Воҳид) Алиакбаров борди. У Куръони каримнинг милодий ХII асрда кўчирилган нусхасини Югра худуди муфтийи Тоҳир Сатомовга тақдим этди. Шунингдек, у динлараро бағрикенглик ва ўзаро ҳамжиҳатлик тўғрисида ҳам сўзлаб, ширкат масжидлар ва черковлар курилишига кўмаклашаётганини таъкидлади.




Қозон шаҳрида жамғарма

Татаристон Республикасида “Ийдул ҳаж” жамғармаси ташкил этилди. Муборак сафарга бориш истагида бўлганлар озми-кўпми сармоясини ушбу жамғармага кўйиб боради. Жамғарма мижозлардан йиғилган маблағни бинолар куриб сотишга ва турли маҳсулотлар ишлаб чиқаришга қўшиб кўпайтиради. Кўриладиган соғ фойда мижознинг ҳаж сафари харажатларини қоплашига замин яратади.



Университет кутубхонаси



Олмониянинг Оsnabрюк университети кутубхонаси янги китоблар билан тобора бойитилмоқда. Ҳозирча дунёнинг турли бурчакларидан келтирилган, Ислом динига доир беш минг дона китоб талабалар ихтиёрида. Ушбу университетда исломшунослик кафедраси 2009 йили очилган эди.

Интернет материаллари асосида тайёрланди

Xазрат Алишер Навоийнинг “Назмул жавоҳир” асари муқаддима ва ҳазрат Али (Аллоҳ ундан рози бўлсан) ҳикматларининг шеърий таржимаси сифатида келган 268 та рубоийдан иборат. Айнан рубоий танланганидан мақсад, шаклан ихчам, лекин катта маъно ташийдиган жанрда ҳикматлар тез оғизга тушади, одамлар онгига тезроқ сингади. Рубоийларнинг барчаси қофияли ва радифли, яъни, “таронаи рубоий” шаклида битилган.

ҲИКМАТЛАРНИНГ ЗАРБОФ ТЎНИ

“Рубоий” арабча “арбаъ” (тўрт) сўзидан ясалган, тўртлик маъносини англатади. Асар муқаддимасида ёк “тўрт” сони билан боғлиқ қизиқ маълумотлар келтирилади. Масалан, Аллоҳ ҳамди, Пайғамбар наътидан сўнг тўрт саҳоба васф этилади:

Аввалгини фазл дурига уммон бил,
Сонийсими адл гавҳарига кон бил,
Солисни ҳаё гулбунига бўстон бил,
Робиъни валоят баданига жон бил.

Шоир ушбу рубоийда тартиб билан ҳазрат Абу Бакр, ҳазрат Умар, ҳазрат Усмон ва ҳазрат Алини (Аллоҳ ундан рози бўлсан) ўзига хос услубда васф қиласди.

Шундан сўнг ҳазрат Али (Аллоҳ ундан рози бўлсан) алоҳида: “Робиъким, аносири арбаси аниңг таркиби маҳзанига чаҳор девор ва рубъи маскун чаҳор девори аниңг панҷайи валояти била барқарордур” сингари жумлалар билан тавсиф этилади. Маъноси: “(Улардан) тўртингчисиким, тўрт унсур (ҳаво, тупроқ, сув, олов) унинг хазинаси таркибини тўрт девордек ўраб туради ва аҳоли яшовчи ерлар тўртдан бир қисмининг тўрт девори унинг ҳокимлик кўли остида барқарордир”.¹ Бу жумлада тўрт сони билан боғлиқ учта бирикма бор: аносири арбаси, чаҳор девор, рубъи маскун.

Шоир тўртингчи улуғ саҳобани таърифлаш билан чекланмай, тўрт сонига алоқадор кенг қамровли бирикмаларни заргарона кўллаб, ҳам асар бадииятини оширган, ҳам ҳазрат Алига (Аллоҳ ундан рози бўлсан) чексиз ҳурматини изҳор этган.

Алишер Навоий ҳикмат дурларини шеър ипига тизар экан, сўз санъати турларидан



усталик билан фойдаланиб, уларга айрича жило беради. Масалан, ҳазрат Алининг (Аллоҳ ундан рози бўлсан): “Жалла ман ло йамуту” (Үлмайдиган Зот буюkdir) ҳикматини бундай назмга солади:

Гардунки халойиқга вафоси йўқ аниңг,
Жавр ичра улуғ-кичикка поси йўқ аниңг.
Ҳар кимки кичик бўлса, бақоси йўқ аниңг,
Кимки улуг, билки, фаноси йўқ Аниңг.

Шоир ҳикматнинг маъносини тўртингчи мисрада берган ҳамда “кичик”, “улуг”, “фано”, “бақо” сўzlари воситасида тазод санъатини кўллаган. Ушбу қарама-карши маъноли сўzlарни келтириб, ўкувчи кўз ўнгига муқоясага шароит яратади ва мақсадига осон етади.²

“Саботул мулки фил ъадли” (“Давлат адолат билан мустаҳкам бўлади”) ҳикматининг назми:

МЕРОС

*Адл айлаки, ул халқ ҳаёти бўлмиши,
Хуши кишиким адл сифоти бўлмиши,
Ҳам мулк била адл жисхоти бўлмиши,
Ҳам адл била мулк саботи бўлмиши.*

Яъни, мулк (мамлакат, юрт)нинг саботи – барқарорлиги адолат туфайлидир. Бунинг учун эса ҳукмдор адолатни касб этмоғи керак, дейди шоир. Учинчи ва тўртинчи мисралардаги “адл” ва “мулк” сўзлари ўрин алмашиб **тарду акс** санъатини ҳосил қиласди.³

Яна бир ҳикмат: “*Содатул умматил фуқаҳоу*” (“Умматнинг етакчилари фақихлардир”). Бу ўгитда фиқҳ илми улуғланади. Алишер Навоий эса буни асослайди.

*Колган киши касби илмдин заҳмат аро,
Фиқҳ ўргансун саъй ила аввал меҳнат аро,
Илм ичра шараф фиқҳда бил нисбат аро,
Ким, сарвар эрур фақиҳ бу уммат аро.*

Яъни, илмсиз машақкатда қолган киши меҳнат қилиб, фиқҳ илмини ўргансин. Шоир ҳазрат Алининг (^{Адлок}_{уздиган рони}), уммат орасида фақиҳлар бошлиқ, етакчи, маъносидағи ҳикматини шарҳ қилиб беради, деб ёзади академик Азиз Қаюмов.

Рубоийдаги “фиқҳ” ва “фақиҳ” сўзлари бир ўзакдан ясалгани боис **иштиқоқ** санъати рўёбга чиқкан.

Хулоса ўрнида шуни айтиш мумкин, тамал тошини ҳазрат Али (^{Адлок}_{уздиган рони}) қўйган “Назмул жавоҳир”даги кўп рубоийларда Алишер Навоий бадиий санъатлардан маҳорат билан фойдаланган. Ташбех жоиз бўлса, шоир халқчил арабий ҳикматлар устига рубоийнинг зарбоф тўнини кийдириб, гўзал иш қилган.

Рустам МИРВОҲИД,
*Тошкент Давлат шарқшунослик
институти магистранти*

¹. Маъмурда Рашидова, «Алишер Навоий “Назмул жавоҳир” асарининг матний тадқиқоти», 64-бет. “MUMTOZ SO’Z”, 2011.

². Ўша асар. 83-бет.

³. Азиз Қаюмов, “Дулкушо тақрорлар ва руҳафзо ашъорлар”, 110-бет, “MUMTOZ SO’Z”, 2011.

Раҳматли онажоним китоб ўқишини ёқтирад, китобни фарзандларига энг яхши совға деб биларди. Уйимизда ҳам бадиий, ҳам диний-маърифий китоблар кўп эди. Бир куни жавондан Турсуной Содиқованинг “Яшаш тилсими” китобини олдим. Унда онажонимнинг таниш хати билан бундай сўзлар ёзилган эди: “Қизим Ниғораҳон! Сизни севиб-ардоқлашим учун жисмимнинг бир бўллаги бўлган ўғлим Ферузжонни севиб, ҳурмат қилишни ҳеч қачон унутманг. Ферузжон, ўғлим, мен баҳтли бўлишим учун сизлар баҳтли бўлишингиз керак. Доим ёнингизда бўлмайман, чунки бу – ҳаёт. Мени мен ўқиган китобларда эслашингизни, излашингизни хоҳлайман. Онажонингиз”.

Ўша куни онажонимни, ўзлари айтганларидек, у киши ўқиган китобларда қайта топдим. Ҳаётнинг баъзан осон, баъзан қийин кунларида, синовли дамларида онажоним насиҳатларига муҳтоҷ бўлсан, улардан мерос ҳазина – китоблар менга насиҳат қиласди, дардимга шерик бўлади.

Онам вафотидан кейин ғамларимни енгиллатган, ҳаётни севишга унданаган, умр боқий дунёга тайёргарлик учун берилганини англатган ҳам онам ўқиган, бизга ҳам тавсия қилган ҳикматли китоблар бўлди.

Онажон, бебаҳо мерос учун сиздан чексиз миннатдорман, ҳаққингизга ҳамиша дуодаман.

Нафосат САФОЕВА,
Бухоро шаҳри



Гуркираган чоғда яшин урмасин...

Бибисора ТУРОБ қизи

ИЛТИЖО

Осмону заминни яратган Тангirim,
Қалбни имон билан яратган Тангirim!
Ижобат айлагил тилакларимни,
Доғини күрсатма гўдакларимнинг.

Онаман, севгига садоқат айлаб,
Ўтгум етти ўлчаб, бир кесиб, ўйлаб.
Гули бўлиб ўтгум ҳаё, виждоннинг,
Йўли бўлиб ўтгум вафо, имоннинг...

Гуллаш мавсумида севги ато қил,
Севгидан кўкаргай ҳар яшнаган гул.
Кўкартир, bemavrid сўлмасин, Тангirim,
Ниҳолимни бўрон юлмасин, Тангirim.

Қизларимга онам чиройини бер,
Ўғилларим тўксин отам каби тер.
Йўлларида ҳasad девор курмасин,
Гуркираган чоғи яшин урмасин.

Мехнат, меҳнат қилсин, баҳтини топсин,
Сўнг нафасда шулар кўзимни ёпсин...
Қабул айла, Тангirim, тилакларимни,
Баҳтини бутун қил гўдакларимнинг...

ТЎРТЛИКЛАР

Бу дунёда гуноҳсизга тухмат ёмон,
Орқасидан тошлар отиш – ғийбат ёмон.
Ўзинг асра ёмонлардан, Парвардигор,
Ёмонлигин билиб қилсанг улфат – ёмон.

Бири кам дунёning ками мендадир,
Ташвишу ғавғонинг жами мендадир.
Кўзимни очгани қўймайди камлик,
Наздимда, дунёning ғами мендадир.



ХАЁТ

Онадан ёлғизман, отадан ҳам бир,
Елкамдаги юким катта ва оғир.
Эсимни танибман, масъул, бурчлиман,
Эсимни танибман, сенга ўчлиман...

Самарқанд

Мирқодир ХУДОЙБЕРГАНОВ

ҚУМСОАТ

Қумсоатга ўхшайди умр,
Ҳар зарраси Аллоҳнинг куни.
Бир нафаси учун минг шукр
қилсак камдир, англайлик буни.

Одам бўлиб келдиқ, минг шукр.
Мумкин эди хас бўлиб келмоқ.
Розик берди ҳам ризқ, ҳам умр,
Мумкин эди туғилмай ўлмоқ.

Бу дунёда номимиз инсон,
Хашоратмас, ҳайвон ҳам эмас.
Хизмат қилар бизга ер, осмон,
Мен кимман-у, сен кимсан демас.

Рўзимиз бор, ризқимиз тайин,
Аммо олчоқ кўз тўймас ҳамон.
Кўпайсин дер кўп бўлган сайин,
Четга чиқар садоқат, имон.

Гар қилолсак мoshдай яхшилик,
Тоғдай миннат тошин отмайлик.
Беролмасак, сўзлайлик илиқ,
Берганларни “чайнаб” ётмайлик.

Умр асли синов соати,
Ҳамма бунда беш кунлик меҳмон.
Сарҳисобнинг етгач муддати
Ҳақин олар яхшию ёмон.

Тарозига қўйилган маҳал
Савоб келсин гуноҳдан оғир.
Охиратда қилмасин маҳтал,
Насиб этсин раҳматин Қодир.

Навбат кутар энг сўнгги зарра,
Вақти тугар, тўхтар ҳаракат.
Бағрин очар охирги марра,
Фақат Аллоҳ азал ва абад.

Ечимини топар ҳар тугун,
Хок бўлармиз охир-оқибат.
Ҳаммасига ясайди якун
Амр бўлгач, оддий қумсоат...

Toшкент

Исҳоқхон НОСИРОВ

* * *

Ё Раб, мени раҳматга яқин айлагил,
Нашъу намоларда ҳазин айлагил.
Ҳар неча ситам бер, ўзга билмасин,
Куйдир бу танимни, чақин айлагил.

* * *

Эй Дўст, келдингда, кулбам мунаvvар бўлди,
Жамолинг нури-ла қалбим тожвар бўлди.
Ишқ водийида хору паришон этма,
Васлинг умиди умрима меҳвар бўлди.

* * *

Ё Раб, сарв гулларин йиғдингу боғ эттинг,
Дашт хорларин жам қилдинг – тоғ эттинг.
Айлаб томоша ошиқлар бозори аро,
Жумла жаҳонни ишқ-ла фароғ эттинг.

* * *

Мени ишқ ўтига ташладинг, кут, дединг,
Тақдирда не бўлса сабр-ла ют дединг.
Қабули хотир эттим ширин сўзларинг:
Инъом санга бир чўғ, кафт тут, дединг.

* * *

Топмадим тенгингни осмону заминда,
Кўнглим нола чекар ишқинг ғаминда.
Матлабу мақсадим висолинг эрур,
Васлинг тилаб то абад турай каминда.

Toшкент

Махмуд ШОМИРЗАЕВ

УМР ЎТМОҚДА

Неларгадир интиламан, етмоқ истайман,
Етай дейман, аргумоғим жадал қистайман.
Етиб зўрға қўл узатсан ўшал ярқироқ,
Сароб чиқар, дилгинамни қийнайди фироқ.

Кунлар ўтар, ойлар ўтар, умр ўтмоқда,
Боболарим мангуликка сингиб кетмоқда.

Кайларгадир югураман, толиб қоламан,
Манзилимга етолмайин, ҳориб қоламан.
Бир лаҳза тин олиб-олмай яна манзилга
Талпинаман, чопқиллайман, сўлиш оламан.
Йиллар ўтар, йўллар ўтар, давр ўтмоқда,
Момоларим мангуликка сингиб кетмоқда.

Изланаман, шамолдан тез, сувдан-да тиник
Мўъжизанинг сир-асрорин билиб олишга.
Уринаман селларнинг ҳам жиловин олиб,
Эл измига, юрт корига жадал буришга.
Еллар ўтар, селлар ўтар, замон ўтмоқда.
Азизларим мангуликка сингиб кетмоқда.

Тизгини йўқ туйғуларда титраб қоламан,
Ечим топмай гоҳо оғир ўйга толаман.
Умр йўли қайга туташ, сўйла, замондош,
Англадикми – шу азиз эл энг яқин қўлдош.
Англадикми – инсоф-имон энг содик йўлдош...

СОФИНЧ

Ўлими олдидан онам сўзлари:
«Отангнинг юзига тик бокма, болам,
Нега кўринмайди, кенжа неварам!
Рози бўл! Бу сенга охирги нолам...»

Сўнгти нафасда ҳам онам раҳматли,
Отамни эслади, бўлди мукаррам.
Неварасин суйиб, таскинлар бериб,
Бошида парвона бўларди ҳар дам.

Онажон, ўлим ҳақ, умр ўткинчи,
Юрганман, кулганман бўлиб ҳазилкаш.
Энди дунёларга сиғмас ўқинчим
Сиз учун қора ер бағри қазилгач.

Онажон, меҳрингиз ҳамон излайман,
Начора, тополмай тунлар бўзлайман.
Қўмсайман, қайлардан излай, онажон,
Софинч денгизизда ўртанади жон...

Галлаорол

ЯХШИЛИК ҚИЛГАН ОДАМ

Инсон қисқа умри йўлида турли бекатларда бир муддат нафас ростлайди. Юзлаб фасллар билан юзлашади. Минглаб одамлар билан сұхбат қуради. Яхши-ёмон гаплар қулогига чалинади.

Оқиллар оғзидан чиққан ҳикматлар мулкини қўнгил хазинасига жойлади. Кўзлаб бораётган манзилида фикри ва рухи учун улар озука бўлишини ният қиласди.

Осмондаги ой имкони борича қоронғу кечани ёритади. Шунга ўхшаб яхшилик қўнгилдаги ёмонликни кетказиши мумкин. Аммо бирор иморатни бузган киши, ўша ашёлар билан уни қайта кура олмайди. Кимнингдир тоза қўнглини аччиқ сўзлар айтиб ранжитган киши, ҳарчанд бу хиралик ортидан ўн ва ҳатто юзта яхши сўз айтса ҳам, синган сопол ўз ҳолига келиши қийин. Ҳарҳолда ўзининг бирор ёмонлик ёки гуноҳ ишини беихтиёр англаб, ичи хижил бўлган одам, албатта, уни кетказиш учун яхшилик қилиш пайида бўлгани тузук.

Ўзинг ёқтирган эзгу амал ва гўзал тилакларни бошқаларга ҳам раво кўриш билан қўнгиллар қўнгилларга пайванд бўлади. Кўп ҳолатда тўғри чиққан, ҳаёт тажрибасида ўз тасдигини топган бир ҳикмат ва ҳақиқат бор: мен бирор тўғрисида қандай ўйлайдиган бўлсан, ўша одам ҳам мен ҳақимда деярли шундай фикр юритади. Агар мен кимнингдир яхшилигини билсан ва жузъий камчиликларидан кўз юмиб, бор фазилатларини зикр қилсан, ишончим комил, ўша кимса, албатта, менинг “Ассалому алайкум” деган тилагимга “Вaalайкум ассалом” жавобини беради. Табиий, бу амаллар ортида яхшилик қилиш, яхшига яқин юришдек эзгу мақсад туради.

Мабодо сўзимга қаҳр аралашиб, овозим бир парда кўтаришса, қарши тарафдан икки парда ошиб акс-садо бериши турган гап. Айни дамда, жаҳолат чангалидан кутулиб, чала минғирламасам, сұхбатдошим сукут сақлаши мумкин.

Яхшилик кимдан, қаерда ўрганилади? Яхшилик туйғуси инсонга гўдақлик кунларидан ҳамроҳ, уруғ ўша пайти ташланган. Бу йўлдош туйғу билан гўзал бир қўнгил кошонаси бунёд қилиниши – уруғнинг униши, парвариши ва ҳосил бериши оила мухитига, тарбияга ва албатта, ҳар кимнинг ўзига ҳам боғлиқ.

Яхшилик чин муаллимлардан, холис олимлардан ўрганилади. Бундай таълим-тарбияга

гоят катта савоб берилади. Расулуллоҳ (у зотиг Алдохонни^у саломи^{ва} саломи^{бўлини}) айтадилар: «Шубҳасиз, фаришталар, осмон ва ердаги барча мавжудот, ҳатто уясидаги чумоли, денгиздаги балиқлар инсонларга яхшилик ўргатган муаллим ҳаққига дуо қиласди». Чинакам муаллимнинг мукофоти шундай.

Одамларни яхшиликка тарғиб қилиб, ўзларини “унутиб қўядиган”, сўзи амалига мос келмайдиган “муаллимлар”нинг насиҳати тингловчиларига етиб бормайди.

Яхшилик покиза онадан, ҳалол луқма бераётган отадан, меҳр-муруватли қариндошлардан, яхши қўшнилардан ўрганилади.

Ривоят: Қадим замонда икки қўшни ўтган экан. Бири оқил, доно, тоат-ибодатли. Иккинчиси ўйинқароқ, кунлик иши ишрату сафо. Оқил яхшилик қилиш нияти билан қўшнисига: “Умр фанимат, ёшлик ўтади-кетади. Яратилган ҳар қандай нарса, жумладан, одам ҳам бир куни манзилига етади, тупроққа қоришади. Вақт борида, умрни охират учун озука тўплашга сарфлаш, тараддуд кўриб қўйиш керак”, дебди. Ўйинқулгини хуш қўрадигани унга: “Ҳали ҳаммасига улгураман. Қун келади, тоат-ибодат билан машғул бўламан. Ҳозир ўйнаб-куладиган даврим”, деб айтибди. Орадан ийллар ўтибди. Ҳар икки қўшни ити йўқ қишлоқ остонасига етибди. Оқили – бардам, тетик экан. Ўйинқароғининг қадди дол, юрагида ғулғула, қувват кетган, ҳатто ҳожатга ҳам зўрга бориб келаркан. Устига устак, қўшнисидан хафа бўлиб: “Мен ғафлатда қолдим, бирор менга бу ҳолатлардан дарс бермади. Менга бирор яхшиликни раво кўрмади”, деган мазмунда гина қилибди. Оқил қўшни олдин айтганларини юзига солиб, хижолат қилишни эп кўрмай, бошқача йўл тутибди. “Отангиз бормиди?” “Бор эдилар!” “Қачон, неча ёшда ўтган эдилар?” “Бир юз ўн икки ёшда”. “Наҳот отангизнинг ҳоли сизга ибрат бўлмаган? Қўшнижон, бирорга маломат қилинмайдиган манзилга етиб қолдик. Барча савол-жавоб яхши-ёмон амалга яраша бўлади”, дебди.

Дарҳақиқат, Алишер Навоийнинг “Садди Искандарий” достонида келган бир ривоятнинг мазмуни шундай.

Ушбу мавзуда ҳазрат Навоий яна айтадилар: “Ки ҳар ким аён этса яхши қилиш,
Етар яхшилиқдин анга яхшилиғ”.

Бу ҳикмат биздан узок – олти аср наридаги замоннинг бир ҳикояти. Яхшилик қилишда шердек қорувли Захириддин Мухаммад Бобур айтади:

“Бори элга яхшилиг қилгилки,
мундин яхши ийүқ.
Ким дегайлар даҳр аро қолди
фалондин яхшилиг”.

Яхшилик устида фикр юритиш, ҳақиқат тарозисида унинг савоби осмонўпар тоғлардан ҳам оғир келишини англаш, табиий, инсонни эзгуликка ундейди. Бировга яхшиликнираво кўрмаслик мунофилар, ичкоралар, хасадчилар ишидир. Ҳасад яхшиликни, умуман, инсон қалбидаги барча эзгулик уругини еб битиради. Яшил кўчатни саргайтиради. Яхшиликка ошно бўлмаган қалбда чинор илдиз отмайди.

Яхшиликка яхшилик билан жавоб берилганида кўнгиллар яйрайди.

Хаётий воқеа: “Ўтган асрнинг эллигинчи йилларида талаба эдим. Пойтахтада инженерликка ўқийман. Биринчи йилги назарий билим олишлар тугаб, амалиётни ўташ учун Хоразмдаги қишлоғимга қайтдим. Тарактиларни, омочларни таъмирладим. Механикани, турли техникаларни амалиётда қунт билан ўргандим, яхши ва тажрибали одамларга йўлдош бўлдим. Улардан кўп яхшиликлар кўрдим.

Қишлоқдан ўқишига – Тошкентга қайтар маҳалим бир иш билан уйимиздан сал наридаги дўконга кирдим. Не кўз билан кўрайин, катта шахарда ростакамига урф бўлган палто. Буни елкасига илганлар кўнгли тўқ, фоз юришади. Аммо чорасизлик, чўнтак ҳувиллаган пайтлар... Яшириб нима қиласман – кўзим қизиб туриди. “Кийсам шу палтони!..” – дилим кетди. Аммо на уйдагиларда, на бошқа қариндош-уруғда акча бор. Турдим-турдим. Нима бўлса ҳам елкамга бир ташлаб кўрай, дедим. Кийдим палтони, тошойнага солдим ўзимни. Лоппа-лойик. Худди менга мослаб маҳсус тикилганга ўхшайди. Ўзимни танимай қолдим. Сезмабман: дўкончи аёл мени кузатиб ўтирган экан. Палтони энди ечаман десам, “Шошма!” деб сўз қотди. Такқа тўхтадим. Ичим жимир этди. Не қилдим экан? “Лойик келдими?” деб сўради. “Ҳа”. “Палтони ечма”. “Нархи... пулим йўқ, муаммо шу”, дея ғудрандим. Опа бир менга, бир палтога қарадида, дадилланиб: “Бизнинг қишлоқдан етишиб чиқаётган биринчи инженерга бу палто совға” деса бўладими! Менинг ҳолатимни тасаввур қиласверинг энди. Кувончдан бош осмонга етди. Совғани институтни битиргунча кийдим. Сўнгра қишлоққа қайтиб, ишга шўнгидим. Турли раҳбарлик лавозимларида ишладим. Опа кўшни

туманга кўчиб кетибди. Мен орадан йиллар ўтиб, ўша туманга ҳоким қилиб тайнинландим. Ўринбосарларимдан гап орасида ўша опани суриштирдим. У энди дўконни йифишириб, оиласвий деҳқончилик билан шуғулланаётган; туманда илгор экан. Ютуқларини билиб, эшитиб юрдим. Шу йили туман давлатга паҳта топширишда энг илғорлар қаторидан ўрин олди; бизнинг обрў ортиб кетди. Бунда опа бошлиқ оиласвий пудратчиларнинг катта хизмати бор эди.

Туман марказига – йил охиридаги ҳисобот мажлисига опани ҳам таклиф килдик. Эҳтимол, у менга қилган яхшилигини эсидан чиқариб ҳам юборгандир. Аммо мен мажлис ахлига юзланниб, талабаликни, палто воеасини эсладим-да, чўнтағимдан енгил мошина қалитини чиқариб, мажлис ахли олдида опанинг кўлига тутқаздим...”

Яхшилик ҳеч қачон зое кетмайди, яхшилик ортидан яхшилик эргашиб келади. Билган билади. Билмагандан асло ранжимаслик зарур. Шу ўринда, ҳалқнинг доно ҳикматини хотирлаш фойдали: Яхшилик қилгин дарёга сол – балиқ билади, балиқ билмаса – Холиқ билади.

Аслида, яхшилик тушунчаси жуда кенг кўламлидир. Элга хизмат ва юртга садоқат, отаонага эҳтиром ва устозга ҳурмат, кўшни ёки дўст хаққига риоя, кўнгли ўксиганга бир оғиз ширин сўз ёки адабсизга танбех-тарбия – буларнинг барчасида яхшиликнинг турли белгилари музжассам. Ҳатто тухмат, ҳасад, сотқинлик, зинокорлик, ўғрилик, порахўрлик каби ўнлаб тубан ишлар қўлидан келгани ҳолда, уларга қўл урмаслик ҳам яхшилик сирасига киради.

Биздан ҳикмати яширин нарсанинг заарсиз бўлгани яхши. Шунингдек, яхшилик учун имкон топмаган одам, ақалли ёмонлик қилмагани ҳам фазилатdir. Яхшиликка яхшилик, баъзида ёмонликка ҳам яхшилик билан жавоб бериш қадимдан улуғ анъана.

Аслида, деҳқоннинг ерига жўхори сепиб, гурвак қовун кутиши тўғри эмас. Барча ишларнинг натижаси ниятга ва қилинган амалларга боғлиқ.

Бу ўринда яхшилик қилган одамдан, яхшиликнинг фазилатларидан сўз очдиқ, айрим лавҳалардан мисол ёздиқ. Энди ўзимизга, узок-яқин изимизга бир назар ташлайлик. Хўш, биз кай маҳал кимга, қандай яхшилик қилган эканмиз? Майли, буни эсламайлик ҳам. Ёдда йўқдир. Эҳтимол, эсламаслик яхшироқ ҳамдир. Аммо бизга ким, қачон, қаерда қандай яхшилик қилганини асло унумаслик керак, деб ўйлайман.

Баҳодир НУРМУҲАММАД

БОЛА ҚАЛБИГА ЙҮЛ ТОПСАК...

Тошкентдаги 274-мактабнинг она тили ва адабиёт ўқитувчиси, II даражали “Соглом авлод учун” ордени эгаси, халқ таълими аълочиси Маҳмуда Валиева билан сұхбат.

— *Маҳмудаҳон, ўқитувчи үзүр ва пухта билимли бўлса, бу касб билан шугулланиш анча енгил кўчармиди?*

— Билимли муаллим яхши дарс ўтиши мумкин, лекин тарбия бериш, ўқувчини мустақил ишлашга, изланишга ўргатиш учун энг олдин ўзи тарбияланган бўлиши, иши сўзига мос келиши шарт. Ўқитувчи ўқувчининг хурматини қозонса, дарсига кизиқиши ортади. Бунинг учун ўқитувчи ўқувчи юрагига қулоқ солиши керак. Кўплар, ўқувчи устозидан ҳайиқиб, қўрқиб тургани яхши, деб ўйлади. Мен ўқитувчининг ўқувчига дўст бўлиши, уни боласи каби сўзиши тарафдориман.

Тажрибали ўқитувчи ўқувчини уй вазифасини бажармагани учун изза қилмай, сабабини сўрайди. Узрли бўлса, кечиради. Чунки бола кўнглини асраш, шаштини сўндириласлик муҳим. Тўғри, айрим ўқувчилар алдаши, баҳона топиши мумкин. Бироқ ўқитувчи унинг кўзию харакати, гап-сўзидан тўғри ёки ёлғон сўзлаётганини ажратса олади.

Ўқувчиларга саволлар ёзилган дафтаримни бераман, унга ўзларининг қизиқишлиари, яхши кўрган фанлари, оила

аъзолари, ёдлаган шеърлари ва бошқалар ҳақида ёзиб беришади. Дафтарда: “Мендан ранжиган вақtingиз ҳам бўлганми?”, “Ёлғон гапирсангиз, қандай чора кўрай?”, “Хато иш қилсангиз, танбех етарлими ёки жазолайними?” деган саволлар ҳам бўлади.

Вазира исмли ўқитувчим бундай ёзибди: “Устоз, сиз бир ҳафтада энг кўп “5” баҳо олган ўқувчини тақдирлашингизни айтудингиз. Шанба куни кундаликларни текширдингиз. Севара 22 та “5” олгани учун кундалигига “Аъло ўқиши, намунали ҳулқи учун раҳмат, баракалла”, деб ёзиб бердингиз. Менинг кундалигимда эса 23 та “5” бор эди, бироқ ҳеч нарса ёзмадингиз. Буни қандай тушунай?” деб, яна менга атаб “Юз ёш берсин сизга Худойим,” дея саккиз қатор шеър ҳам ёзиб кўйибди. Бундан жуда таъсирландим, эртасига ёк узр айтиб, хатоимни тўғриладим ва ўзим учун сабоқ чиқардим. Ўқитувчи шошиши, адашиши мумкин эмас.

Яна бир куни ўқувчиларим билан театрга бордик. “Шошма, қўёш!” спектаклини кўриб, ҳамма бир дунё таассурот билан қайтди. Бу ҳақда иншо ҳам ёзишиди. Бир ўқувчим бундай ёзибди: “Устоз, мен театрга

боролмадим. Ўртоқларимга ҳавасим келди. Уларга отоналари пул беришган, дадам тирик бўлганларида, мен ҳам борардим. Ёлғиз онам фаррошлиқ қилиб, бизни катта қиляптилар. Театрга борай десам, уришиб бердилар. Сиздан уялиб, “Касал бўлиб қолдим”, деб мактабга ҳам чиқмадим”.

Бу гапларни ўқиб аъзойи баданим музлади. Ахир, унинг шароитини билардим-ку! Нега хабар олмадим, театрга олиб кетмадим? Бу айбимни кейинроқ ювдим.

— *Оиласидаги муҳим, шарт-шароит боланинг ўзини тутиши, юриши-турниши, ўқишига таъсир этмай қолмайди...*

— Албаттa! Ҳар бола сирсиноатга тўла бир дунё, уни ўрганиш, сирларини топиш учун шу дунёда яшаш керак. Синфдаги ўттиз ўқувчи ўттизга оиласидаги вакили ҳисобланади. Ўқувчи мисоли кўзгу, унга қараб оиласидаги ахволни бемалол билса бўлади. Агар у тоза кийим кийган, китоб-дафтар, ўқув қуроллари тахт бўлса, демак, уйи ҳам саранжом-саришта, озода. Тартибсиз оиласидан гулдек ўқувчи камдан-кам чиқади. Тақинчоққа ўч қизлар онасига тортади: “Куш уясида кўрганини қилади”да! Ўқувчи



Малайзиялик меҳмонлар

Шу йил 9 март куни Малайзия парламенти раҳбари ўринбосари Да-тук Ван Жунайди Жаъфар бошлиқ меҳмонлар “Ҳазрати Имом” мажмуасига келишди. Унга Малайзиянинг Ўзбекистондаги фавқулодда ва муҳтор элчиси Абдулазиз ибн Ҳорун ҳамда элчихона таржимони Фарҳод Мирзабоев ҳамроҳлик қилишди.

Меҳмонлар мажмууда янги бунёд этилган “Ҳазрати Имом” жоме масжидини, Ўзбекистон мусулмонлари идорасини, Имом Бухорий номидаги Тошкент Ислом институтини, қайта таъмирланган меморий обидаларни томоша қилишди. Шунингдек, улар диний идора кутубхонасида сақланаётган ҳазрат Усмон Мусҳафи ва бир қанча нодир қўллэзмалар билан танишишди. Ташириф сўнгиди Да-тук Ван Жунайди Жаъфар жаноблари бундай деди: “Биз бу ерда ҳазрат Усмон Мусҳафини зиёрат қилганимиздан беҳад хурсандмиз. Муқаддас Каломнинг ушбу тенгиз нусхасини Аллоҳ таоло юртингизда асралишини насиб қилган экан, бу эл-юрт учун улуғ неъмат ҳисобланади. Каломи шарифни асррабавайлаш йўлида ғамхўрлик учун ҳукумат, идора ва кутубхона раҳбариятига миннатдорлик билдирамиз”.

**Муҳаммад
Акмалхон ШОКИРОВ**

тунд, қайсар, ўжар бўлса, билинг, оилада катталар мунносабатига дарз етган. Баъзан ота-оналарга, тўғрироғи, оналарга: “Ўғлингиз ёмон сўзларни ишлатади”, десангиз, “Билмадим, уйда ҳеч ким сўкинмайди, ўртоқларининг таъсиридир-да”, дейишади. Асло ундан эмас. Ўғил отадан, қиз онадан андоза олади. Ота-она, қайнона-келин мунносабатлари доим ҳам рисоладагидек бўлмаслигини, кўнгилсизликлар бола руҳиятига салбий таъсир кўрсатишини ўқитувчи ҳар нафасда ёдда тутиб, буни ҳисобга олиб турса, ўқитувчи – ўқувчи ришталари мустаҳкам бўлади.

– **Ўқувчи кўнглига бирдек ўйл топиш учун ўқитувчи эътиборни нималарга қаратиши керак?**

– Баъзи бола табиатан шошқалоқ, ўртоқлари билан тезда уришиб, тезда ярашиб кетади, гина сақламайди. Бошқаси эса индамас, “ичимдагини топ” хилидан. Ҳар бир боланинг дунёқараши, феъл-автори, билим даражаси хилма-хил. Янада нозик томони, улар моддий таъминоти турлича бўлган оилалардан. Истироҳат боғлари, музей ва театрларга борища бу фарқ яққол сезилади.

Яна бир воқеа эсимга тушди. Қишки таътилда сиркка борганимизда бир ўқувчим томошага киришдан олдин ҳам, томошага пайтида ҳам, чиқишида ҳам гўштили кулча олиб еди. Қолганлар ҳам нималардир олишди. Фақат бир ўқувчим ҳеч нима сотиб олмади. Ширикулча олиб, ярмини бердим. Олмади. Эртасига: “Сиркка нима учун бордик, овқат еганими, томошага

гами? Томоша вактида кавшаниш тўғрими? Нега “Бир майизни кирқ киши бўлиб ейишиди,” дейишади? Ҳозир ҳам шундайми?” деб синфда баҳсмунозара ўтказдим. Кейинги сафар истироҳат боғига борганимизда, ўқувчиларим бирбирига егулик улашаётганини кўриб, сўзим беҳуда кетмаганидан қувондим.

Болаларни дўст қилиш, жиплаштиришда ҳар хил мавзуларда сухбат ўтказиш, ривоят ва ҳикоятлардан мустакил хулоса чиқаришга ўргатиш яхши самара беради.

Кўпинча ўқувчиларимга ибратли ҳикояларни, Эркин Воҳидовнинг “Камтарлик ҳақида”ги шеърини эслатаман. Аҳмад Яссавийнинг дунё ўткинчилиги, мол-дунё бевафолиги тўғрисидаги ҳикматларидан ёдлатаман. Бу усувлар маълум даражада ўқувчиларни дўстлаштиради. Эсадалик дафтар тутишларига қаршилик қилмайман, кўнгилда борини ёзишсин, бир-бируни тушунишсин. Тўгаракларга жалб этиш, шоиру ёзувчи, олимлар билан учрашувлар уюштириш, хашарларда бирга ишлаш ҳам ўқувчиларни янада яқинлаштиради.

**Муҳтарама УЛУҒОВА
сұхбатлашиди.**



Бешик – асрлар давомида қўлланиб келаётган миллий қадриятларимиздан. У ҳақда Маҳмуд Кошгарийнинг “Девону луготит турк” асарида (XI аср) ҳам маълумот бор. XV асрга хос митти рангтасвир асарларда ҳам бешик суратини қўриши мумкин.

БЕШИКДАГИ БЕК БОЛАМ

Юртимиз иқлим шароитида бешикнинг фойдаси катта. Тўғри ишлатилса, гўдакнинг соғлом ўсишига фойдаси бор. “Бешик боласи – бек боласи”, дейди ҳалқимиз. Ҷақалоқни ҳар хил ташқи таъсирлардан ҳимоя қилишда бешикка етади.



дигани йўқ. Ҳароратни ўртача сақлайди, бола таги қуруқ ва тоза туради, хотиржам ухлайди, умуртқа суяклари текис ўсади, ҷақалоқ қўлга ўрганиб қолмайди. Бешикнинг бир маҳомда тебраниши она алласига ҳамоҳанг бўлиб болага руҳан ва жисмонан тинчлик баҳш этади.

Бешикни тўғри ишлатиш керак. Қаттиқ ерга эмас, юмшоқ кўрпача устига кўйса, яхши тебранади. Бола факат ухлайдиган пайтлари бешикда ётиши керак. Ўзоқ вақт бешикда ётқизиш ҳам тўғри эмас. Чунки бола терисига ёруғлик кам тушса, рахитга олиб келиши мумкин.

Бешикка ёруғлик тушиб туурсин. Гўдакни бешикда ётган ҳолида эмизмаган яхши.

Агар эмизишга тўғри келса, галма-гал, икки томондан эмизган маъкул.

Момоларимиз сумакни ишлатишдан олдин оловга тутиб, зирачалардан тозалаб, кейин ёғга ботириб олишган. Бундай қоидаларга риоя қилиш турли касалликларнинг олдини олади. Бешик ёпинчиғи табиий матодан бўлса, боланинг нафас олишига тўқсқинлик қилмайди. Уни вақти-вақти билан очиб, шамоллатиб туриш керак.

Бешик тагига солинган кўрпача юпқа ва паҳтадан бўлсин. Богичлари ўртача боғланса, яхши. Қаттиқ боғланса, қон айланиш эркинлиги бузилади, суяклар кийшиқ ўсиб қолиши мумкин.

Шифокорлар тавсияси

Бош мияси шикастланган, ўқига ўралиб ёки чала туғилган, туғма касаллик билан дунёга келган, чаноқ-сон бўғими қинғир ўсган гўдаклар бешикка беланмайди.

Бола оёқ-қўллари ярим букилган ҳолатда беланади. Танаси тўғри қилиб боғланса, қон айланиши бузилади, ўсишда нуқсонлар келиб чиқади. Ёстиқчаси баланд ҳам, паст ҳам эмас, ўртача бўлсин.

Бешикда ётган бола эмизилганида оғзидан сут қайтиб келиши ва қулоқ найи орқали ўр-

та қулоққа тушиб, яллигланиш рўй берishi мумкин.

Бешик турган хонани теззет шамоллатиш керак, чунки чақалоқнинг кислородга эҳтиёжи катталардан кўра кўпроқ. Хона намлигини меърида сақлаш учун бирон идишига сув қуйиб қўйилсин.

Михсиз ясалган қурилма

Бешикнинг тузилиши ажойиб. Дунёда энг маъкул дебтан олинган гумбазсимон қубба шакли бешикка асос қилинган. Икки ёни очиқлиги, ичи кенглиги болани белаш ва ечишга кулай.

Бешик қурт тушмайдиган тут, баъзида ўриқ, ёнғоқ, эгмаси ва сумаги эса кўпинча юмшоқроқ тол ёғочидан ясалади. Моҳир усталар бешик ясашда умуман михдан фойдаланишмаган. Безатища ҳиди чиқмаслигига, бўёқлар табиийлигига эътибор беришган, ёрқин ранглар ишлатишган. Чунки гўдак бешикнинг безакларига қараб, тинчланади, ранг ажратишни ўрганади.

Бешик ёпинчиғи, мавсумга қараб духобадан (қишки), ипак мато ёки сурпдан (кузги, баҳорги), докадан (ёзги) тикилган. Қовузи тарикдан, шоли, сули ё буғдој пўстлоғидан тайёрланадиган маҳсус кўрпачадир.

Зебунисо ҲУСАЙН
тайёrlади.

ОНАЛИК

Мен бу ҳайратланарли воқеани Усмон Нурий Тўпбош мақолаларидан бирида ўқиган эдим. Интернет манзилга кириб, ўша воқеа акс эттирилган видеотасвирларни кўрдим. Бу чиндан ҳам ҳайрон қоларли эди.

Биламиз, оху (антилопа)лар доимо арслонларнинг ўлжаси бўлган. Лекин ургочи шернинг оху боласини ялаб-юлқаб, фарзандидек шафқат кўрсатишини, доим бирга юриб, бирга туришини ҳеч тасаввур қила оласизми? Жуда қийин, тўғрими? Бироқ Кениядаги Самбуру миллий кўриқхонасида шундай воқеа юз берди. Ёш ургочи шер қандайдир сабаб билан етим қолган оху боласига онасидек меҳрибонлик қиласди. Бу илиқ муносабатни сезган охуча ҳам шердан айрилмайди. Она шер ёнидаги оху боласи эканини яхши билади, чунки уни гўшт билан боқмайди. Оху эса сут йўқлиги сабаб япроқларни ейишга уринади. Она арслон ҳатто овга ҳам чиқмай қўяди. Очликдан иккови ҳам заиф кўринишса-да, саломатликлари яхши экани кузатилади.

Жараён икки ҳафта давом этади. Бу вақт мобайнида ургочи шер “асраб олган фарзанди”ни химоя қиласди, бир лахза ёнидан айирмайди. Охучани суйиб, эркалайди, қулоқлари, тумшукларини ялаб-юлқайди. Аммо икки ҳафтадан сўнг буталар ортида пой-

лаб турган нар шер ургочи арслонни доғда қолдириб, охучани тишлаб олиб қочади. Икки ҳафталик очлик таъсирида кучини йўқотган она шер қаршилик кўрсатолмайди. Чорасиз она ҳозиргина оху боласи ўлган жойни исказ башлади, бир оздан кейин бошини эгиб у ердан узоклашади...



Кузатувчилар эртасига ёк ургочи шернинг овга чиққанини кўришади...

Ҳа, оналар шундай – яратилишидан меҳришашафқатли. Оналик энг яхши, гўзал хислатлар мужассами. Келтирилган воқеа ҳам шу ҳақиқатнинг бир намойишидир...

Зумрад ФОЗИЛЖОН қизи

САБОҚ

Автобусга миндим. Кейинги бекатдан эътиборимни тортди. Манзилга етгунимча улардан кўз узолмадим. Тушганимдан кейин ҳам уларнинг ҳолати хаёлимдан кетмади. Одобли, ораста қизларнинг бир нуқсонлари бор, улар соқов эди. Шундай бўлса-да, ўзини нуқсонсиз биладиган, бироқ тилини ёмонликдан сақлаёлмайдиганлардан афзал кўринишарди.

Ўша қизларга насиб этмаган сўзлаш неъмати менга, бошқаларга ато этилган. Бироқ биз кўпинча бу улуғ неъматни увол қиласмиз. Шарафимизни ёмон сўзлар билан топтаймиз. Ҳар сўзимиз амал эканини, ҳисоб-китоб қилиниб турганини унутамиз: “**У** (инсон) би-

рон сўзни талаффуз қилса, албатта унинг олдида ҳозиру нозир бўлган бир кузатувчи бордир” (*Қоф, 18*) ояти хабаридан хушёр тортмаймиз.

Икки соқов қизнинг ҳолати менга катта сабоқ бўлди. “Кўли ва тилидан бошқаларга зарар етмайдиган киши ҳақиқий мусулмондир”, деган ҳадиси шариф ҳикматини теранроқ англагандек, ҳазрат Абу Бакр Сиддиқнинг (Аллоҳ улдари рози
бўлсин) оғизларига тош солиб юришлари сабабини чуқурроқ тушунгандек бўлдим. Бекорчи, ортиқча сўзлардан сақланишга эҳтиёж түйсам ё менга берилган бирор неъматни исроф килаётганимни сезсан, бу неъмат бошқаларда йўқлигини ўйлашга, тўғри йўл тутишга ҳаракат қиласдиган бўлдим.

**Сайёра ТУРСУНОВА,
Тошкент шаҳри**

ИСЛОМДАН ИЛХОМЛАНГАН БУНИН

Жуда кўп машхур адиблар Шарқ маданияти ва адабиётiga катта қизиқиш билан караган. Масалан, улуғ олмон шоири Йоҳан Ҳёте “Шарку Ғарб девони”ни тузган. Нобел мукофоти совриндори, рус мумтоз адиби Иван Бунинга ҳам Шарқ, аниқроғи, мусулмон маданияти қатта таъсир қўрсатган.

Иван Буниннинг диний қизиқишилари фақат Библия билан чегараланмаган эди. У Куръони карим таъсирида инсон ҳаёти ҳакидаги нодир, бошқа манбаларда учрамайдиган ҳақиқатларни топди. Исломга қизиқиш Бунинни мусулмон мамлакатларига саёҳат қилишга чорлади. 1903 йил апрелида ёзувчи илк бор Истанбулга борди. Адибнинг турмуш ўртоғи Вера Муромцева-Бунина бундай хотирлайди: “У биринчи марта Куръонни тўлиғича ўқиб чиқди ва олам-олам таассурот олди, шу сабабли зудлик билан мусулмон ўлкасига бориши фикрига тушди”.

Бунин Куръони каримнинг М. Казимирский франсузчага ўйирган маънолар таржимасидан К. Николаев русчага ағдаргарган ва 1865 ийли Москвада босилган нусхасини ўқиб чиқади.

Вера Бунинанинг сўзларига қўра, “Истанбулда кечган бир ой унинг маънавий ҳаётида энг муҳим, хайрли ва жўшқин воеа бўлди”. Айни шу сафарда “Ислом унда жуда катта таассурот қолдирди”.

1907 йил баҳорида Бунин мусулмон Шарқи мамлакатлари бўйлаб узоқ муддатли саёҳатга чиқади. Ёзувчи Истанбулдан ташқари ўша пайтлари Усмонлилар ҳукмронлиги остида бўлган Фаластин, Сурия, Лубононда, сўнг Мисрда бўлади. Бир йил ўтиб яна Истанбулга борди, 1910 йил кўкламида эса Жазоир ва Тунисга сафар қиласи. 1910 йил охирида Шри Ланка оролларига йўл олган ёзувчи яна Истанбул ва Байрутга (Лубонон) тушиб ўтади, Мисрда олти ҳафта қолади. Бунин Истанбулга ҳаммаси бўлиб ўн уч марта борган, умр йўлдошининг фикрича, “у Истанбулни Москвадай яхши биларди”.

Буниннинг барча шарқона насрый ва шеърий асарлари ижодий фаолиятининг илк босқичида ёзилган. “Қадр туни”, “Каъбадаги қора тош”, “Сир”, “Абадий”, “Муҳаммад ва София”, “Мақом”, “Кавсар”, “Тамжид” каби шеърлар шулар жумласидан.

Ориф ТОЛИБ
тайёрлади.



МОМОЛАРИМИЗ АЙТАДИ...

Ўғлим еб ўрларга кетди,
Қизим еб қирларга кетди.

* * *

Қўшнига гапирсанг қўшади,
Овулга гапирсанг ошади.

* * *

Яхши бўлса қиз
боланинг онаси,
Бинойидек келин
бўлар боласи.

* * *

Яхши келин гап ташимас,
Бўлар-бўлмасга
дил ғашламас.

* * *

Офат кўрмай десанг,
хушёр бўл.
* * *

Тинчлик бўлса, эл кўпаяр,
Уруш бўлса, сел кўпаяр.

* * *

Эҳтиёting бўлса,
эҳтиёжинг бўлмас.
* * *

Номард нон устидага ҳам
нолишини қўймайди.

* * *

Кўринган тоғнинг
йироғи йўқ,
Кўрмаган кўччанинг
чуқури кўп.

САОДАТХОН
*ҳожи онадан
ёзib олинди*